

受教定例單







受教定例目錄

一定配千里外恒式

二火藥秘製定律

三世傳田民勿爲屬公

四啓覆罪人正刑後妻子爲奴

五忠義推治

六女人勿枷

七刑杖申飭

八歲時輕囚放釋

九外方重囚修啓



十徒年雖特赦遇赦卽放

十一麗陵禁標

十二內侍受贖

十三僞印未成

十四禁止投托

十五配目禁不孝

十六徒配遇赦卽放申明

十七司馬勿刑

十八儒生勿枷

十九濫配申飭



二十審檢不得汰去

二十一到配卽啓

二十二老嫗島配

二十三湖沿指湖南

二十四拔劒擬刺

二十五私掘者十年以放

二十六奸所殺死者狀稟

二十七因本傷用加辜限

二十八掘檢申明

二十九不待時罪人詳覆



三十橫叛上典

三十一獄案修 啓式

三十二未至配所一體附 啓

三十三陞戶軍厭避者克軍

三十四定屬及救活婢所生勿殺

三十五事係一律必啓稟定奪絞斬

三十六雇工定制

三十七查 啓定式

三十八挽裳對飯

三十九逃囚年限

以下通編  
頒行後



四十禁凌虐獄囚

四十一血書上言雖四件事勿施

四十二事係民弊勿爲直請猥濫

四十三奴告主

四十四定配罪人遭親喪係關逆獄外給由

四十五定配滿十移配

四十六各邑婢不得因緣稱項

四十七流二千五百里定贖

四十八逆獄及錄啓罪人逃止用通編小註

四十九朝官訛推



五十舊家長毆舊奴婢依凡人論

五十一禁私開銅店

五十二驛馬濫騎申飭

五十三徒年遇赦雖干重獄卽放

五十四內侍訟卞

五十五定配滿十自本道移配道內數小邑

五十六倫理重處律例反輕事

五十七以孝烈上言嚴防

五十八非分明冒竊外職役姓名不以實不得混入

五十九禁撒市



六十拷訊定限

六十一檢驗謀避守令論罪

六十二係關殺獄內待自斷

六十三凌辱妻上曲者嚴刑後照勘

六十四禁草記防

啓

六十五奴犯主山

六十六流囚家屬依律文許從

預審又追

六十七久囚之年七十以上者

狀聞

六十八掘塚罪人發配夥多嚴飭

六十九輕囚放釋後不得還囚



七十道伯巡到叅覈獄囚

七十一禁擊鋒原情泛及題外

七十二鄉戰者勿論曲直嚴刑克軍

七十三非特教而定配於楸黑耽者反坐

七十四婢夫定制

七十五圖出楷條假稱官監者摘發杖聞事

七十六一曰杖不過百度

七十七土地折授毋敢自下擅爲事

七十八災結私用還覈立本斷以重律

七十九徒罪勿爲移錄於不限年



八十珍島勿配

八十一定屬婢只役其身申明

八十二加辜限非 稟省收議歸一前毋敢輕易成獄

八十三檢驗定式及死罪收贖定式

八十四貶下守令反罵上營者用投印律

八十五籍產奴婢所屬

八十六內奴婢寺婢革罷

八十七縛娶之類施以治盜律

八十八奴婢免賤區別

八十九士夫家或編久遠田地或托先代賜土



九十重囚見失刑鎖施以次律

九十一到配 啓本中該配日字亦爲舉論

九十二通吏千石以上梟示

九十三火藥私製賣買者定制

九十四毀破家舍犯接婦女者定律

九十五殿牌作變罪人關係逆節外勿爲逮鞫今本道用

法

九十六包蔘潛越不飭地方官及校吏勘斷

九十七殿牌作變罪人止誅其身勿孥戮

九十八失符守令勿爲勘罪



一  
定配千里外恒式

顯宗十三年壬子 上曰近來流罪之類或配當道與近道  
事極無據我國幅員不廣流罪雖不能準其里數不可無  
酌量定制之事必須千里外定配來為恒式之意令該曹  
書揭壁上也令諸道遵行可也

二  
火藥私製定律

肅宗四年戊午左副承旨李

周鎮所

啓觀此慶尚監司俞

狀啓則枚舉左水虞侯尹東老大丘營將金樽牒呈以為  
軍寇中火藥之傷人害物非比弓矢鎗銃之屬而藏之甚  
輕用之且易故 朝家慮有奸弊禁絕私製不啻嚴截而



今此李延奉李天儀等以光州之人火藥私製一款稟既  
自服固當依事自從重勘斷崔太中李萬儀等變辭巧諱  
亦甚可惡究覈得實後處之而火藥私製者與私鑄錢一  
體論罪事既有已酉 啓下新節目在逃罪人各別讞捕  
與時因各人一體嚴覈首倡者別爲查出依節目處斷隨  
從人等刑推定配以爲嚴懲已酉節目伊時既已知委外  
方今不必別爲定律此節目考出申明嚴飭之意令備局  
分付何如 傳曰依爲之

世傳田民勿爲屬公

肅宗十六年庚午備邊司粘目靈光幼學金振澤上疏世傳



田土奴婢或不均分惹起訟端者訟官不爲明定混爲屬  
公揆以法意誠極不當此後則正凌給勿復屬官之意申  
飭各邑何如 傳曰允

啓覆罪人正刑後妻子爲奴

肅宗二十九年癸未 啓覆時本曹判書閔 鎮厚所 啓啓

覆罪人 啓聞後雖或徑斃妻子則並爲奴事曾有受

教而啓覆罪人則曾無定奪之事矣今者印信僞造罪人  
朴以道結案啓 聞而未及正刑已爲物故妻子永屬爲  
奴一款何以爲之耶合有一番定式之道故敢達 上曰  
此事何如各陳所見右議政 曰強盜之徑斃者妻子爲



奴既有定式則今此偽印之罪律文甚嚴似與強盜無異同矣然而強盜徑斃者妻子爲奴不過一時所定不可以此一切行之矣 上曰啓覆罪人則必待正刑後妻子爲奴事定式可也

忠義推治

英宗二十年甲子右議政宋

寅明

所

啓忠義旣非朝官則

移義禁府亦涉不當今後則勿論嫡長忠義香室忠義勿送禁府事定式施行何如 上曰此後則令秋曹推治定式可也

女人勿枷



英宗二十三年丁卯 傳曰凡刑法京外無異鞫囚何等重也而非男入不着枷只項鎖况他乎昨覽關西道臣狀聞瀋陽來三札小業著枷嚴囚云以此推知外方之雖非男人一體枷杻可知申飭諸道一遵國例勿爲踰法事分付

### 刑杖申飭

英宗二十四年戊辰次對入 侍時刑曹判書洪所啓臣曾聞秋曹訊杖有法杖別杖二件意謂法曹不當用別杖待罪本曹之後卽爲審覆則所謂法杖較正於刑穴鐵而刑穴分數與大典所錄懸殊蓋大典則用營造尺懸註而刑穴則近於周尺此必下輩幻弄之致也前日所稱別杖



彷彿於大典尺量而既有別杖之編則不可不去之且欲  
依大典釐正則亦係變通固當一經 稟裁故已與大臣  
相議而敢此仰稟矣 上曰今聞所達一曹有二杖不可  
使聞於鄰國况外方圓杖申飭之時乎此後京外一從大  
典釐正一枝去之

歲時輕囚放釋

英宗二十六年庚午 傳曰歲將暮承旨卽取囚徒輕囚放  
釋噫送舊迎新之際若有親戚妻孥以輕囚拘囚因圖非  
王政之所不忍政院春坊及各司非關係至重者勿爲擬  
因此後歲時以此奉承傳施行



外方重囚修 啓

英宗二十六年庚午刑曹判書柳儼所達本曹以刑獄主管衙門不但京中殺獄及 御寶印信偽造私鑄錢等罪人并爲照管雖外方所在諸罪人亦當知其某道某罪人爲幾人然後可以飭勵其緩急延拖而各道同推 啓本則亦以因事啓聞者騰 啓其餘則全不舉論本曹漠然不知外方罪囚之爲幾何各道道臣非不盡心爲之 朝家之所以待道臣亦使之專其刑獄而其在內外一體之意終涉踈漏此後則各道殺獄御寶印信偽造咀呪私鑄各項可以施法者一并入於月終 啓本中之意分付各道



以爲永久定式之地何如。今日依爲之

徒年雖特教遇赦卽放

英宗三十一年乙亥親鞫入侍時傳曰徒年遇赦循

例放送事已下教令聞禁堂以特教提稟當初下教

勿論特教與否一體舉行法不可斑駁此後一以此規

舉行

麗陵禁標

英宗三十一年乙亥傳曰頃年臨松都時於不朝峴特以  
高麗忠臣不朝峴豎碑以御詩勝國忠臣勉繼世令隨駕  
諸臣賡韵再作已諭今日在庭臣僚始祖於前朝舊臣也



昨日以前犯葬者皆勿問自今年爲始犯葬者步數皆依受教舉行而其所犯葬人嚴刑三次後海島定配其不禁畱守守令以制書有違律勘處十年後歲抄舉行犯耕者亦依此舉行噫前朝陵寢使民犯耕仍捧稅豈王政之所忍其於犯耕雖久遠斷不饒貸依受教各陵四面五十步爲限諸陵同在一局者從四面陵丈量入於五十步者皆陳焉量案亦爲懸註舉行形止皆令卽爲狀聞而其或踰月當該地方官拿問以制書有違私律勘處大抵雖有欲犯禁者陵官不報畱守守令何以知之噫前朝姓裔世守其陵其若不禁又從以許之此豈可以倫理待之



也此後不報陵官隨現限已身邊地定配事一依定式法  
豈不義而其墜者不遵也亦不無未能詳知而犯者昔年  
受教今番下教名曰前朝諸陵禁標受教令校書  
館活印春曹秋曹諸陵所在地方官及松都江都圻營一  
體印送五處史庫亦為印置教曰庚子受教太祖陵以  
二百步為限七陵則以一百五十步為限而七陵內所當  
掘去者若多則夏為稟報於該曹待其回下而處之可也  
造家耕田亦令痛禁而此後若有偷墾之事則其時留守  
難免重責壬寅八月禮曹啓曰太祖陵旣以二百步定  
限顯陵以下三陵則以一百五十步定限其餘七陵及今



番退得三十五陵則以一百步定限似合事宜並依此施行傳曰噫前朝於我朝可謂尊敬者發遣禮部奉賓其犯堊處若有執頭以制書有違律施行又傳曰今日在廷臣僚其始祖前朝舊臣也自今年爲始犯堊者依受教舉行而其犯堊人嚴刑三次後海島定配留守守令以制書有違律勘處十年後歲抄舉行犯科者亦施此律

內侍受贖

英宗三十二年丙子儒臣入侍時傳曰曾有受教而贖大典修正時遺漏勿論該府秋曹內侍凌杖照律徵贖事定式施行雖非時任前卿中官該府舉行曾無職名者



今秋曹舉行事一例分付而頃者曾經長番曾經假長番者其掩過俛首受杖於秋曹事之寒心莫此爲甚此人分付內侍府刊名內侍其時秋官其亦不察此後申飭義禁府秋判明日入侍事榻前下教

偽印未成

英宗三十四年戊寅傳曰予於印偽造處沒有尋常耿耿者今於暮年何不論乎旣下詢大臣大抵偽印之律本非大明律卽大曲而或有無印文而成案置諸大辟者曾前此等之類其雖傳諸于生而差或差人命豈不重乎亦非大曲之意也誠若得彪事此後則京外法官者成案時其



宜審慎事申飭于秋曹捕廳及八道三都

禁止投托

英宗三十六年庚辰次對入侍時左議政李之所啓閭閻奴婢或有叛其主而投托於勢家以其勢力廉價勒買者無異剝奪不但爲閭閻難支之弊如此風習誠爲寒心如兩邊相議從本價起買者外勢力勒買之類各別嚴禁如有犯者隨卽施以閭家奪入之律何如上曰所陳是矣依爲之

配目禁不孝

英宗三十七年辛巳

傳曰徒流案中或薄待繼母或薄待



父母甚至於叱逐其母之類多曾前疏凌時皆不舉論故  
此類其放無期噫人倫何等重也而雖愚夫孰不知父母  
之重乎此等之目不可輕施於人渠雖無狀以此斷案予  
則心所不忍大抵此等事真屬相雜今值赦令故賓廳議  
凌時置諸減等置諸放中意有在焉而循例踏下則已令  
讀之後關係風化衰年尤何泛過其欲置仍而人心巧詐  
事爲難測一任其狀真成其目其果者此律亦輕其不然  
者於渠非徒冤枉刑政凌不若此前後覓此案於京於外  
庸匠一胄混著於黑白旣著之後只文案觀之何者爲黑  
何者爲白於筆雖凌豈不推量於末梢况叱逐之父母其



果然此不可置之於覆載之間其何循例流配乎此後其  
果若此狀聞處之不然其勿凌筆勘律以墜風化事申  
飭諸道

十六

徒配遇赦卽放申明

英宗三十七年辛巳 傳曰凡徒年之類勿論年限遇赦放  
送事既在續曲而道臣其或不知法意徒年之類或置仍  
或稟殊非定法之意此後雖今日徒配者若在赦前依續  
典直爲舉行事申飭諸道

十七

司馬勿刑

英宗三十七年辛巳

傳曰今聞李璉駭舉有嚴刑遠配之



命靜而思之雖本不過業儒乃敢不守分詬辱耆社之臣  
敢稱太學生及其呈狀語多悖慢刑配烏可已也而但古  
人云士可殺不可辱渠雖微矣既登司馬則刑推過矣三  
水府定配此後其人雖中庶名登司馬者或關係莫重者  
外雖配勿爲刑推事奉承 傳舉行

儒生勿枷

英宗三十七年辛巳 傳曰古人云士可殺不可辱曾於庭  
試聞之場中不謹儒生自試所著枷下送闕內亦然試所  
可知渠雖無狀其名則士也此後雖下該曹者勿爲自試  
所以枷下若非場中用情雖下該曹勿枷事未爲定式



濫配申飭

英宗三十八年壬午疏凌入 侍時 傳曰今覓徒流案不  
過自本曹本道可以刑二次者流配可以刑一次者定配  
編流其案當初行關雖易此等之時酌處在上所重若何  
而若是易律不顧其重此豈刑措之道乎此後申飭俾勿  
濫配事

審檢不得汰去

英宗三十九年癸未次對入 侍時行吏曹判書洪 所  
啓審藥之任雖至微而旣 啓下官員又必下直而去與  
吏胥有異若有過則狀罷可也直爲棍汰則非矣聞刑判



之言則檢律亦為棍汰云此後則並嚴飭外方俾不得棍  
汰何如行刑曹判書金曰吏判審藥事有所陳達而檢  
律亦有汰送之弊宜一體定式禁飭矣領議政洪曰落  
點與啓下官員任自進退事體寒心監營中軍若不合  
則必為狀請改差毋得私罪之意近已定式而如審藥檢  
律者雖曰卑微亦一考績之官如其不似則亦為狀論至  
於自監營任自取捨之弊各別嚴禁如是申飭之後違越  
之道臣不為爭執之京司堂上隨現論責事一體定式斷  
不可已矣上曰嚴禁使不得汰去如有犯者嚴處可也

到配卽啓



英宗三十九年癸未刑曹判書南 所 啓各邑定配罪人  
到配後自各該道都合上送故其前或有赦典則不無遺  
漏之弊此後以到卽這這修 啓之意申飭該道何如  
上曰依爲之

老嫗島配

英宗四十四年戊子常參入 侍時刑曹判書洪 所 啓  
向來本曹卽廳有入 侍之命以老嫗事 下問而有刑  
推島配之 教矣 聖教一出因爲萬世法程臣曹方欲  
舉行而旣出於一時 筵教且有本律稍異似當出舉條  
然後舉行矣 上曰此習絕痛矣卿方嚴禁云出舉條刑



推島配可也

湖沿指湖南

英宗四十四年戊子領議政金所啓前後罪人處分時  
有湖沿定配之命則該曹舉行或以湖南或以湖西遠  
近不一未安莫甚宜有一番明白稟承矣上曰湖沿  
指湖南矣

拔劍擬刺

英宗四十九年癸巳

傳曰古雖稱白晝拔劍此則刀也而  
今番金光水父子所爲非刀也卽劍也此等類若不嚴飭  
後弊勝言此後用劍者毋論事之曲直爲先嚴刑一次事



廿五

令該曹奉 承傳施行

私掘者十年以放

英宗四十九年癸巳刑曹判書特西西放未放 啓本入

侍時 傳曰聞所奏凡於私掘者雖疏浚皆未放纔聞放  
未放此人見放故意謂若何而方當大需息紅續克耳之  
意不喻今者該堂所奏深得司寇體法若低仰人何措手  
足雖置仍者今番勿論年數一併特放以此分付諸道此  
後依前置仍而若過十年者以放

奸所殺死者狀 稟

英宗四十九年癸巳刑曹判書趙 所 啓咸鏡全羅兩道

廿六



放未放 啓本仍秩中可 稟者登對以 稟事 命下  
矣明川定配罪人文王奉取考本案則王奉因年凶轉乞  
留接於趙世中家而其妻潛通世中宛然同居故棄憤刃  
刺其妻而判付內與世中共處無異奸所減死定配矣律  
文奸所殺死者勿論法意有在且到配年久屢經大需宜  
有酌處減等之道故敢達 上聞奏乃覺其何減等特放  
又 啓曰金羅道亦有與此同罪者矣羅州定配罪人鄭  
太玉取考元案則太玉出他還家幼穉哭其房中其妻無  
去而其妻與三文共床喫飯太玉喝出三文則三文拔刃  
欲刺故太玉以石打殺云而戊寅 判付內以一房同食



何異奸所爲 教而減律定配此亦到配年久故敢達  
上曰一體放送可也仍 傳曰今因秋判所奏乃覺文王  
奉鄭太王無異奸所此等類道臣初依本律勿問也雖不  
照其宜狀稟直置刑推仍登同推文案故乃至於此此後  
有若此者勿爲完凌同推或以稟或狀聞後舉行事其令  
京鄉奉 承傳事

因本傷致死用加辜限

正宗元年丁酉刑曹判書張 所 啓洋人鄭漢龍以環刀  
擊入膝骨半落故囚禁矣被傷人果因本傷致命而律文  
中以折跌肢體破骨墮胎者無問手足他物皆限五十日



計之則纔過一日而大明律附例有元辜限五十日外  
若因本傷致命則限外二十日加辜限之例而先王朝  
戊子六月因平安道殺獄啓本所下傳教中殺人辜  
限其法甚重一或低昂民何能逃其於附註不過一備本  
事雖若此者其宜奏請而况傷處雖未復常或因他而致  
命則皆用此律辜限之律其將去之乎當該律官勿爲徵  
贖凌杖一百亦令該曹永除律官此後又復若此者一依  
此律官例施行事嚴飭諸道聖意似出於一時飭礪而  
受教旣如此臣曹不敢擅便敢此稟達下詢大臣何如  
上曰卿等之意何如領議政金曰若論以大明律五十



日之限則雖云加一日環刀之破落膝骨致人畢竟殞斃者其爲殺人無復疑端則三尺至嚴安得免償命之律乎今若以一日之過限其或爲濶狹之端則日後之弊爲不可勝言而先朝戊子下教非指殺獄明的者不過申飭律官挾私操縱之弊則今此漢龍不可不具格檢驗依法成獄矣左議政鄭曰元辜限外既有加辜限之律文如漢龍之以刃行兇仍至致命者不爲成獄則豈有償命之法乎先朝一時下教實出於申飭律官臨時低仰之弊而以加辜限之本律旣無不可用之聖教則今何可持疑於依法償命之獄乎右議政徐曰俄於閭外聞刑判



之言臣於已有所商確漢龍之成獄更無可疑矣 上曰  
卿等之所奏是矣漢龍之以刃斫人自初既有必殺之心  
其所成獄卽生道殺人意依例舉行可也

掘檢申明

正宗元年丁酉 傳曰昔我 肅宗朝之教有曰殺獄之最  
緊最重者莫如檢覆間有外方守令任意增減獄事遷就  
至有數十年不沒而庾死獄中者自今以往該官必親自  
開檢一從無冤錄毋或難明於未盡之患亦唯我 寧考  
之教有曰檢驗雖不實詞訂俱備則不當追檢况已理者  
乎周文其猶掩蔽今則至於白骨檢驗予則曰當之者無



異再被殺入或有不償命者殘忍莫甚此後殺人之匿理者依例檢驗後自官埋置其他已瘞者勿檢大哉聖人之言也重人命恤刑獄之義藹然於辭教之外傳曰先王斯有不忍人之心行不忍之政斯其非歟予於是三覆百回不任莊誦激仰也向於賓對相臣之奏以爲自有先朝掘檢之禁令京外不敢開檢按驗不無幽鬱之慮予於其時只知肅朝之教未詳寧考之教故意以爲然詢于廟堂爰及三司至又有重臣欲許掘檢則今日以前當屬令前之對矣繼又玉堂劄請掘檢予意亦以爲然擬欲定制而未果者出於慮遠之意也况當閔旱之日其所審恤



日天子齋居食素不舉樂示民以哀矜惻怛之意也我朝  
用是制每歲季冬斷死刑先三月詳覆覆必三焉自政府  
署事之規罷政歸法曹詳覆之法但行於待時之囚不行  
不待時之囚是豈立法之本意也哉雖就目下事言之有  
不待時行刑之囚而謂無詳覆之例致有擬律不審莫能  
糾正之弊可謂疎漏之甚者凡大逆不道及罪犯綱常之  
類大臣莅鞠三司按獄猶有詳覆之意至於不待之囚大  
臣三司不得閱實其事但以一律官之見攬邢律文搆按  
而上于獄官獄官曾不索思涉筆黥位署唯勤焉何其慎  
於待時之囚而忽於不待時之囚也今後須遵舊例雖非



待時之曰自卿曹議讞報議政府政府更加詳覆始許登聞則讞獄之體不期重而自重折獄之道不期慎而自慎咨爾卿照此導行

橫叛上典

正宗六年壬寅刑曹 啓目寶城郡私奴外山以橫叛上典罪依律文絕島移配事 傳曰編配類仍之時此等之類何必更配發配一款勿施大抵京外法官每於發配罪人欲諱本事則輒以橫叛二字勒成發配此後勿論刑曹及外邑復以此四字移施於他罪有發配之弊致煩上聞則該曹堂上該道監司謹罷之典斷不可已如是申飭之後



律官尤焉敢聽令舉行萬一復踵前習所謂律官豈非亂  
法之民亦當刑配以此 傳教自本曹書付壁上賜念舉  
行亦卽枚舉措辭行會諸道果有橫叛之罪則必具犯罪  
委折及詳考橫叛人上典之姓名毫無差爽然後發配事  
一體知悉

三  
獄案修 啓式

正宗六年壬寅 傳教內諸道獄案道各異例或不書罪名  
或不問切鄰與保授或初覆檢驗殊例或根因詳略不同  
此後指一定式曹草記 啓本先錄罪人罪名次錄檢驗狀  
又次錄應問各人招辭使諸道以此遵行 傳曰如是定



式後實爲簡當依此分付

未至配所一體附 啓

正宗六年壬寅 傳曰赦文中雖有已至配所未至配所咸  
宥除之句語近來 啓本中未至配所之類未免漏却此  
殆發配之該道則該以已發配不爲別具狀聞到配之諸  
道則果然未到配亦未同爲修 啓重罪之見漏雖無閑  
係而輕罪或徒年之未蒙一視之澤誠極矜憫繼今以往  
宜有一番定式京外發配罪人計其日字及程途如未得  
抵配所官則自發配之處條列姓名罪名附錄於放未放  
文書下端以 啓事一體行會令禁府刑曹亦爲知委照



此爲之載之受教永久遵行

陞戶軍厭避者克軍

三  
正宗七年癸卯訓練大將所啓陞戶軍厭避軍伍故犯  
罪科闕番迹止之類凌不可置之尋常絕島限五年克軍  
以懲日後之弊何如上曰依爲之

三  
定屬婢及救活婢所生勿殺

正宗七年癸卯領議政鄭

存謙

所

啓正言洪聖淵上疏以

爲官府之定屬婢私家之救活婢只役當代亦是國法則  
此類之所生勒令使役仍作傳來之物開丁苟艱必由於  
此嚴飭諸道一併放還以爲梳弊之道事爲請而批旨



內有令 廟堂稟處之命矣各官定屬婢私家救活婢只  
殺當代亦是法典則並與所生勒令使喚有關綱紀並依  
所請施行何如 上曰依爲之

事係一律必 啓稟定奪絞斬

正宗七年癸卯備邊司 啓曰刑曹草記罪人鄭潤煥之依  
續大典用一律旣已斷定而續典所稱一律別無分等之  
文蓋續大典禁制條云松田放火者以一律論亦無絞斬  
區別之文大明律故燒人房屋條云若放火故燒係官積  
聚之物者斬待時松田放火至爲一律故燒官積聚猶且  
待時而斬則況今放火之變出於烟臺三十步之內其所



犯之重何等關係僞舉烽火者勿論烟臺他處並用一律  
其一律之爲不待時斬無疑也但放火與僞烽火然有差間  
則當有不待時與待時之別舉僞烽火者當爲不待時斬烟  
臺近處放火者似當爲待時斬而係是一律定制伏俟

上裁之意敢 啓 傳曰卿等意是矣如是差等似甚便  
當依草記施行而大抵法令一番創始永作不易之例事  
係刑殺尤所當慎若於無情實不用意之類並引此律是  
何異於自我作古也七十年之後復開荆棘古人猶且難  
之亦豈非今日留意處乎並以此意分付攸司俾卽載之  
受教後勿勒援於可恕不可恕之間可也



## 雇工定制

正宗七年癸卯因全羅道寶城郡殺獄罪人鄭大仁獄事回  
啓判付曰罪人鄭大仁段實因狼藉謬援分明故殺情節  
斷然無疑是去乙其矣發明全不成說是置其若手勢之  
至兇觀於渠之從兄大石在當庫時言尤難自掩蓋大石  
圖文券欲自處以殺奴稱小杖而欲自免於杵打究厥情  
狀萬萬痛惡分比不喻初檢招則曰白萬不知而道伊沙  
里自稱偷出云爾是如可叅覈招則又以爲道伊沙里前  
期逃走白萬自持去云前後矛盾而粧撰窘迫之狀推此  
可知雖曰欲推錢物而不施當施之刑乃敢毒打至此則



何可諉之以毆打折傷而且以雇工之法言之 皇朝我  
國宜無異同分叱除良本道之狀該曹之 啓皆以爲  
皇朝之法重於我國旣斷以較罪是隱則以此以彼斷無  
叅恕之道若不施法此後爲人雇工者其將日日就死此  
則監營題辭可謂實際語而跋辭中謂以愚悍常漢信手  
毆打付之唯輕之曲者此則可謂失之太寬有難輕易酌  
決是乃獄案亦多踈漏處杵打之說發於大石而詞連卽  
柳台史也杖打之狀見者老味而叅訂又是老味也是遣  
又於具台史之招以爲杵臼竹打殺之說聞於鄭斗三家  
是如爲有則覆檢時此數端專不舉論者未知何故是隱



喻其在獄體宜問不問之失自有其罪是如乎當該檢官  
從重推考爲遣且大仁之故殺與否固不在於杖與杵而  
詞案則又不容如是其濶略是遣覆檢狀中屍親招辭亦  
不載錄豈其原文繁節略謄 啓之故刪却此一段而然  
是隱喻此亦可訝以此更令道臣親執詳查然後稟處爲  
移至於裁定金石之典云者不可無一定之制自本曹議  
大臣稟處事 判下據其時判書臣徐 統議大臣爲白  
乎則領議政徐 以爲今因湖南道臣 啓聞有雇工定  
制收議之命矣我國雇工之制與 皇朝有異 皇朝則  
立有文券議有年限然後始謂之雇工而我 國則有文



券定年限者不謂之雇工而直謂之奴婢所謂雇工稱名者不過邨店間來去乍來一時留接之類也此卽 皇朝律例中短雇日月受值不多者依凡人論者也今若以俗名雇工襲用 皇朝立文券議年限之例則不亦舛乎臣意一依 皇朝定則今後京外倩工之人受值十兩以上議限五年以上而立文券者許入帳籍以雇工論此外不受值不立券不入帳籍而一二年出入使喚者依凡人論恐合事宜伏惟 上裁云是白乎 疏右議政李 以爲今以我國雇工奴與大明律雇工奴同異與否至有使該曹議大臣之命矣臣謹按附例大明律有曰萬曆十二年



正月題奉欽法今後官民之家凡倩工作之人立有文券  
議有年限者以雇工論止是短雇日月受值不多者依凡  
人論然則雇工云者與價立文券年久使喚者也我國  
所謂雇工不過少則三四朔多則一二年而元無受值立  
文券之事不可與皇朝雇工比而同之以此論之我  
國則不當以雇工名色擬之於無文券不受值之人矣自  
今以後一依皇朝定制受價十兩以上議限五年以上  
立券入籍者以雇工論去來無值無券者依凡人論  
恐合事宜伏惟上裁云是白乎旅領敦寧府事李以  
爲卽伏見刑曹 啓目 判付下者以雇工定制有收議



之命矣我 國雇工既與 皇朝定制有異雖無文券不  
入籍而亦謂之雇工若以一時留接之類援用 皇朝雇  
工律例則有闕後弊必以受值成文券者爲雇工定制其  
外則以允人論恐合事宜伏惟 上裁云爲白乎旂判中  
樞府事鄭 以爲續大典推斷條雇工之於家長亦三省  
推鞠原其法意固未嘗不嚴可知然而我 國雇工只是  
使役間衣食而朝聚暮散之類非如大明律所謂有文券  
有年限之化今當定制則一依大明律本意明定畧限恐  
合爲宜唯在傳詢而處之云是白乎旂同年七月備邊司  
啓曰以雇工定制事草記批旨有至如雇主雇工犯科死



三  
三  
在雇工則視他加一等死在雇主則視他減一等之說及  
凡於論勘家長之於雇工加於奴婢一等雇工之於家長  
減於奴婢一等云云兩說俱有意見而曰加曰減未知議  
者本意在於合施何律自廟堂更加商確指一草記可也  
之命下矣雇工殺害雇主本有當律無容更議雇主殺  
害雇工之律一說則曰比殺奴婢宜加一等一說則比平  
人相殺宜減一等以此兩說參考律文比殺奴婢加一等  
則律為杖七十徒一年半此則失之太輕比平人相殺減  
一等則律為杖一百流三千里恐合事宜伏俟 上裁之  
意敢 啓 傳曰依議施行



查 啓定式

正宗七年癸卯黃海監司沈念祖啓本 傳曰特教行查

他道則方伯親執爲之獨於本道必以定查官豈其道例各有不同而然乎此等處宜有均一之制卿曹相考各道文案定式行會曹草記松禾獄事 判付內查官以剛明人差定會查本縣故使查官查報者似由於此此後允係一律重囚之因 判下行查者道臣親執按查 啓聞事定式行會諸道何如 傳曰允

挽裳對辭

正宗八年甲辰金羅道錄 啓 判付內羅州牧殺獄罪人



五奴吹三獄事段傷損無餘地致命在當日吹三之為元犯  
毫無起疑之端分比除良渠妻金女與致命人春成行淫  
之跡真有是也此或為叅怨處而奸賊未捉於奸所訂言  
未必是公言況於金女之供以接膝握手之事挽裳對飲  
之狀一一發明言有條理且其行兇之跡極甚慘慘想像  
聞聞時光景怒拳憤踢之當下便斃不在詞案而如在目  
中以此以彼減死非所可論而本曹覆 啓中所論列亦  
不可謂無據況引受 教內句語附陳之則豈可膠守常  
法不念濶狹之方乎吹三乙良嚴刑三次減死定配為有  
矣待拷訊限日滿次加刑待準次發配為祿吹三妻金



召史段寧冒行奸之惡名圖救渠夫之死罪而了無是意  
反欲作證情狀則痛駁倫理則滅絕嚴刑一次以爲懲殲  
之地事分付爲旃因今番獄案判付有申勸者先朝  
戊寅受教以一房同食何異奸所爲教又於癸巳受  
教以無異奸所者勿爲完凌狀聞後舉行爲教仍令  
京外奉承傳導行而近來諸道獄案此等獄事初無狀  
聞稟處之事自本曹別關行會諸道如此類無論已完凌  
未完凌並卽概錄原文案狀聞事分付爲良如教

逃囚年限

以下通編  
頒行後

正統九年乙巳刑曹判書李命植所啓伏見黃海監司洪



東嶺啓本以爲各邑遞止罪人之年久者或至八九十年  
每以今方跟捕 啓聞有非誠實底道理各具罪目因遞  
某年月日後錄仰聞令該曹稟告爲請矣其所爲請誠爲  
有理從久近似有年限區別之舉矣 上曰同推罪人之  
成獄也十五歲以前自在勿論中而年至八十人分棟亦  
在大明律將此較量則自十五歲至七十五爲六十年矣  
大抵訟理在六十年以前事例不得聽理耳又爲苟照之  
一端自今十五歲成獄逃躲至七十五歲者元文書嶺下  
雖非十五歲成獄者逃躲後計年至八十歲者亦爲嶺下  
事定式施行可也



禁凌虐獄囚

正宗九年乙巳海州鎖匠崔惡才使獄囚李從奉侵徵新囚朴海得引其首枷縛於脚端作一蘆篠終至顛仆觸墻傷項致命成獄道 啓 判付內因此而另飭京外者年前因宋明恤獄囚故事使之灑滌其枷杻量給衣藥旣又嚴飭獄卒輩之凌虐罪囚者揭示令申不啻丁寧而飭令未幾便以解弛獄卒獄囚之符同行惡致有此殺越人命之舉 國有法紀豈敢乃爾藉曰營卒異於邑卒營屬行惡本官其可袖手傍觀而不思所以防戢之道乎當該地方官爲先罷黜當日監守所謂刑吏監考等令道臣嚴刑定



配伊後不卽發告人等亦令刑推懲礪海州如此京外獄  
囚之困於徵索可知特無傷殺不至現發耳此而尋常者  
過後弊將有不可勝言者此後或有復踵前習者犯者並  
與監獄吏率同律當該掌獄官員重繩不飭之堂上及道  
伯亦別般論責事先自卿曹另加管束仍將判付辭意  
措辭行會於八道兩都以示令甲之意京以捕廳外以兵  
水營鎮營一體知委莫曰九重深遠予有繡衣自可按察  
毋或放忽事並須各別嚴飭

四書上言雖四件事勿施

正嘉九年乙巳刑曹判書鄭

昌淳

所

啓近來民習巧詐莫



甚所謂血書聞或有之而若父母及其身陷於刑戮者則  
凌非容易可爲矣日昨有尚州人擊鋒原情以血書納若  
以雜血則誣罔之狀誠爲可惡取諸其身則大不近於人  
情山訟異於刑戮肢體豈可輕毀事係四件故雖已依例  
上達此等之習不可不嚴懲當議人方自臣曹科治而此  
後雖四件事血書者勿施之意何如 上曰依爲之

事係民弊勿爲直請猥濫

正宗九年乙巳 傳曰金宗億所訴雖非四件事法典內係

是切聚民弊則四件外事許令聽理又許鳴冤今番通編  
纂輯之時始知有此受 教此後非敏貨猥顛者外事係



民弊勿爲直請猥濫律事分付刑曹定式施行

奴告主

正宗十年丙午私奴得福告其父道興爲別監李千孫所踢殺本曹捉囚千孫覈實以 啓 判付內奴主之分載若曾壞一有凌犯倫綱虧壞如是也則人不得爲人國不得爲國我朝立制專尚名教扶綱植倫之政靡有所不至蓋堅冰之漸戒在履霜而天地之大防終不可踰越故耳今觀私奴得福獄案 朝家覽未半牀然有不樂者名教之掃地不料其至斯原案完沒則有司存焉固不必暇論而以奴告主一事申諭之可乎比茲年來堂階案而等威夷



于犯蔑分之事往往踵相接焉幾何不至淪胥此獄段卽  
一亂常之變異奴主之分班賤無間奴以主證尚載邦禁  
主被奴誣合置何辟大抵發告要成獄要謀殺殺主之罪  
三省按鞫雖幸獄未成訂未具未遂謀殺之兇謀發告之  
當律自有不易之三尺卿等具格會推報議政府詳覈施  
行一以存倫綱一以樹名教因是有捉問者皂隸之賤莫  
識官長僕圉之徒不畏家主貪士寒族之偏受凌侮者在  
在有之是由過求抑強而爲弊至於長頑從又的定之名  
律初無槩見者每以商隸罵五品以上雇工罵家長律攬  
擲勘凌矣近因用律之勿許苟照右項兩律亦在廢却中



然則賤凌貴下犯上何異於辱之使爲向來通編增補也  
擬將此事另欲講定律名而未之果焉今又不言是豈王  
者之制祥刑之意耶等博考典律就議大臣定成畫一斷  
例粘尾取旨嘗 啓目內取考本律以後錄兩條就議于  
時原任大臣反覆商確則無異見蓋本管吏卒之罵官長  
雖有輕重其中事理絕悖者當有加等之律常賤之罵雜  
政官及士族初無可據之法文而輕則凌杖重則徒配俱  
以通編中毆打士族事情明白者杖一百徒三年之律叅  
酌減等恐非新勅律名而此律一定之後毋論京外假托  
邊辱搆捏誣訐反欲逞憾之習難保其必無則以此犯人



如等論云者實出於輟小民慮後弊之意且婢夫之凌辱妻上典者既見於通編中婢夫告家長之文而告與罵亦有益重益輕之別故依此減等則自合於大明律雇工罵家長之律而婢夫亦有緊欺之殊故分別其作妻居生與不居率下者分輕重議定條列於後律名定制至爲重大以臣等謏淺之見有不敢擅僂上裁何如判府內本律既如是昭載依此用之亦無不可至於叅情較法務歸平當唯在卿等祛私奉公之如何惕念舉行爲於小民常賤不識律文有無容易犯科及今修明明之日須有懸法之舉可責畏罪避刑之效是如乎奴告主其律至死罵亦



同律似此律令關係人命尤宜申申卿等就律文中關係  
貴賤奴主之犯分蔑綱者條錄一通頒示坊曲曹行關跋  
辭內京外法律一遵大明律大曲續典而況今新頒通編  
之後大小輕重靡不畢具是乎矣至於常賤之罵士夫婢  
夫之罵家長本無定律故前則隨現苟照近後仍廢不用  
今因得福奴告主之事有令本曹議大臣稟旨頒行之命  
此寔出於我 聖上正名分敦風化之至意而爲萬歲不  
可易之關紀尤在執法之列者孰敢不仰體德意對揚休  
命也哉先以原續兩典所載關係吏隸奴主之犯分蔑法  
之律名條列于首繼以新定律名而條尾錄知委為去乎



刑關卽時將此關辭及諸條律名真諍翻謄各部坊曲良  
中一一曉諭仍又書揭使無識下賤咸知等分之截然法  
意之至嚴俾不至於犯科抵以期無刑之地事知委中外  
定配罪人遭親喪關係逆獄外給暇

正宗十年丙午以忠清監司狀 啓洪州牧因推罪人海南  
縣船格孫福溪遭其父喪給由過塋後使之還囚令該曹  
稟處傳曰依狀請施行事回諭此後除非死罪及關係逆  
獄外依法典直爲給暇以形止狀聞以此定式施行事令  
該曹分付諸道

定配謫十移配



正宗十年丙午 傳教內慶尚道尤甚邑定配罪人等別單  
書入 傳曰移配及酌放並依 判付施行移配之類一  
時押去易致紛紜次次舉行之意分付該道兩湖尤甚邑  
定配罪人等罪名單抄明日以別單書入因此見之如機  
張泗川固城等邑編配之數各爲十餘人之多熊川延日  
亦然雖在常年殘邑之受困可悶此後諸道各邑自京來  
配數近十人自本道往後文移移定配所事定式施行仍  
以此意知委諸道至於本曹則有徒流案必於發配時考  
閱舉行俾無重疊之弊事定式施行

各邑婢不得因緣繡頭



正統十年丙午 傳曰邑婢稱頭本自多歧而其所謂公解  
修補印信改造云尤萬萬無意假使真有修補改造之事  
徵出倡家纏頭之財作爲官長藉口之資事而不正自今  
永罷至於北關則朝家禁令視他道尤別而近年以來此  
弊漸肆頭免相續啓不畏法紀綱所在誠極駭然此後則  
另加嚴飭毋或犯科而如是申飭之後若有現發之事當  
該道臣守令各別論勘事定奪

流二千五百里定贖

正統十一年丁未綾恩君具

允明所

啓續典刑曲法流二

千里贖布八疋三千里布十疋則二千五百里當爲九疋



以贖木代錢每疋三兩五錢計之則九疋當爲三十一兩五錢而續典以爲八疋二尺六寸代錢三十一兩二錢六分此與徒年贖錢適加之法逕庭以九疋厘正似好故敢達上曰依爲之

逆獄及錄 啓罪人逃亡用通編小註

正宗十一年丁未綾恩君具允明所 啓續大典刑典逆獄

干連及錄 啓定配罪人逃亡者杖一百還配其註則以爲杖一百絕島定配大文與註逕庭捨大文而用註爲宜敢達上曰依爲之

朝官訛推



正統十一年丁未綾恩君具元明所 啓刑典增條曰在鄉

堂上朝官殺人觀察使 啓聞考訊云云而堂下則無所  
舉論堂上之曾經侍從與否亦不舉論宜有定式故敢達  
矣 上曰係是刑獄重典問議大臣令廟堂草記稟處可  
也備邊司 啓曰堂上朝官 啓聞拷訊則可知堂下朝  
官之不 啓聞拷訊而旣曰堂上朝官則勿論侍從與否  
並入於 啓聞拷訊之中隨其 啓聞自當有朝家處分  
恐不必更有定式而事係重典 上裁何如 傳曰依草  
記施行

舊家長毆舊奴婢依元人論



正崇十一年丁未綾恩君具

允明

所

啓大明律奴婢毆舊

家長家長毆舊奴婢皆以凡人論而原典奴婢之毆舊家長以減奴婢二等勘律見今以此遵行而獨於家長毆舊奴婢無舉論故以大明律凡人論施行此係一律宜有酌量之道敢達 上曰此亦關係重律議于大臣一體草記稟處可也草記 稟處舉條並為分付於備局亦為知悉次備邊司 啓曰原典中只論奴婢毆舊家長之律不及家長毆舊奴婢之罪者蓋其本意奴婢之於舊家長家長之於舊奴婢雖若彼此之無異實亦等分之有間故同一毆也而在奴婢則稍用重典在家長則仍用本律法意有



可見矣然則或重或輕之間恐無可疑家長之政舊奴婢  
依前以大明律施行何如 傳曰允

禁私開銅店

正宗十一年丁未戶曹 啓曰臣李在簡以銅店便否就議  
于領議政金 則以爲設店多有弊端固難輕議而目今  
鑄錢一事大關國計因銅鐵之匱乏將至中撤之境則此  
不可無濶狹延豐銅脉之豐盛果如所聞則卽令開店以  
爲及時需用之地至於私採之弊不可不另加禁斷毋論  
銀銅如有不爲關由於朝家私自設店採取之事則不能  
禁斷之道伯守令並當重勘以此申飭諸道爲宜云矣延



豐縣產銅處發遣計士摘奸仍爲設店私採禁斷事一體  
分付於諸道道臣之意敢 啓 傳曰知道安還之銅係  
是旣設之店依前 延奏斯速採用至於延豐則銅脉設  
令分明輕易開店有所當慎依草記發遣計士擲杆以來  
後更爲草記又若私店之弊可勝言哉遊食之徒作爲通  
數湏有別般令甲可杜牟利輩冒犯雖使公私俱益猶不  
任他况其大害甚於小益乎此後非度支出舉條行會關  
文外營邑之任其開店聚集雜類者隨現道伯施以制書  
有違之律地方官徒配又禁銅三年彌以省品等事托公  
私採則不禁之道伯地方官率右律勘斷仍自本道枚舉



京司分付事實狀聞後勿論該營門大將該衙門堂上亦以制書有違之律匿不以聞自京現發則道伯同罪以此定式施行事載之典律通補禁府刑曹膳錄因以此意令廟堂行會諸道俾各知悉期於無犯可也

驛馬濫騎申飭

正宗十一年丁未京圻監司徐有防所啓驛馬濫騎之事因特教自備局成節目頒下不啻申嚴臣才已另飭各驛俾各惕勵期無犯科之地而第亦有一事不可不痛祛雖以應把言之璫源錄實錄外閣奉安奉審行與各陵寢有頃時奉審行赴燕使通信使僉使行及大臣議賓一品



宗班給外馬大小奉 命各行騎兵曹馬到圻驛初站督把自是定式載在通編而近來奉 命各行或稱兵曹馬疲劣不堪騎直到雇廳責把番馬者已是法外而至於所騎兵曹馬雖到初站仍不督把為越站過去而賞價則無限責出於該驛故圻驛之日就凋殘實由於此駟騎之入把督把法意何等截嚴而無難故犯乃至於此乎以前後移文於兵曹非一非再而了無實效一番痛在所不已自今以後除非從前應入把之行而若復有責把番馬或越站徵賞之弊則並以濫騎律施行嚴飭各司以為格遵定式毋敢違越何如 上曰依為之此弊曾所稔聞自丙



申初申飭不啻丁寧而弊又若前云此蓋由於承旨史官  
宣傳官等全昧飭令一任下隸作奸之致政院若不首犯  
他司豈敢效尤此舉條一通書付院壁及堂后宣傳官廳  
犯者當身則以濫騎論院隸館隸吹螺赤令該曹嚴刑照  
律定配施行事令兵曹知悉日前中官及假宣傳官之濫  
騎蓋由於不畏法雖有措辭提飭而亦在於該曹該道之  
聞有必勘無或饒貸卿及該曹亦爲各別暢念嚴察可也  
徒年遇赦雖干重獄卽放

正宗十一年丁未因忠清道放未放 啓本曹回 啓判  
付內徒配遇赦卽放近或有干連於重獄者徒配中始有



放仍區別之有規終非制法之本意後勿如是復舊爲之  
內侍訟卞

正宗十二年戊申 傳曰頃因圻伯登 廷始知之以內侍  
凌訟事再昨年受 教京外掌臧官之眩於舉行不可無  
一番分晰知委此後京居內侍之以內侍名呈狀者須以  
轉 啓此則直呈法司凌處事分付刑漢城府京司雖如  
是申明定式外方亦當指一知委無若圻邑之疑眩中官  
之下鄉在道者原居鄉者凡有呈狀之事以奴名或親屬  
代呈毋敢接面此意令其廟堂措辭分付一以除眩於舉  
行之弊一以定訟卞之限一以示嚴內外之意



定配滿十自本道移配道內數小邑

正宗十二年戊申刑曹判書李 所 啓諸道定配罪人之  
已滿十邑勿定配所事既有定式矣本曹則自當詳考配  
案舉行而至於各道則未詳他道各邑之多少故每有到  
配後還送之舉去來之際鄰族蕩敗邑民俱困此後則雖有  
數滿邑到配之事勿爲還送自配所邑報巡營更定配所  
于道內罪人數小邑後具由狀聞道內諸邑無可分配之  
處然後始爲還送使之更配他道似爲除弊之道敢此仰  
達矣 上曰依爲之

倫理重處律例反輕事



正宗十二年戊申全羅道康津居童蒙女尹任賢擊錚原情  
內女矣父德圭去年三月分躬受還租次往于倉底則矣  
門孽太緒彥緒兄弟以其時尸首矣父名下還租任自奪  
去故矣父據理言責則太緒兄弟不有分義蹴踏肢打折  
脂破腦或袖石亂打或堅執陽根卽地氣絕舁載歸家仍  
以委篤至三十八日身死而長兄忱出系遠居耳無奴僕  
趁未通竒而矣父臨死以復讎之意遺書以托故變出之  
後雇人傳訃至七日告官則檢官謂以杖痕之不分明告  
官之不趁時歇後報讐終不成獄故矣祖父憤痛絕食三  
日而自盡矣母亦寃結泣血繼又身殞一室三喪由此兩



讎則矣兩兄及庶叔有生前復讎之心去正月分竊矚彥  
緒之出來三人手刃剝腹嚙肝來哭父塚自首本官則矣  
兩兄及庶叔並爲枷囚讎人太緒卽爲放送使矣家三喪  
之讎未能盡報而反似爲太緒復讎者然天下寧有是哉  
伏乞讎人太緒亦爲償命俾雪幽明之冤事原情據因  
判付行查矣道 啓內尹德圭屍身遍體無他痕損拇指  
曲傷本非要害豈可擬議於致命之因而陽根執抽命係  
畧刻何能拖到於辜限之外乎况又省證無一衆見其毆  
打之狀則成獄償命恐非可論而尹太緒彥緒等素以凌  
犯之習終作相關之舉故屢加訛推仍爲牢囚矣該縣監



成鍾仁適當歲末且因告病保授出獄門外則彥緒迹歸  
其家仍被忱恒之戕殺而自其祖宿嫗固無關於其父之  
致死藉其父遺書亦不足爲復讎之公案故所以有忱恒  
等囚推至若太緒雖使德圭之死由於被打彥緒旣被殺  
死則此足以償德圭之命而兄又并命有非審克之道故  
果於彥緒被殺後始爲放送云回 啓 判付內此獄不  
難解殺人者死通天下萬世不易之法爲父母雪羞逞憤  
毆人傷人至於致命者輒多屈而貸之大抵律例最重倫  
義乙仍于較輕重審取捨者蓋如許其躍如矣著與憤之  
不及於讎而事有關於爲親下手猶此傳生况此獄之近



於復讎乎尹德圭之死母論被打因病又無論辜限內外  
痕損由於頑孽成疾崇是在太緒彥緒等二人獨非德圭  
子忱恒等之讎乎今從道伯之說讎無可復之人而復之  
一字當刮去於律例乎又或有父母雪讎逞憤而殺傷人  
者亦可無一言一一償命而減死或杖流或勿論之文收  
聚並付之水火爲無妨乎道伯之職異於檢律律例倫義  
不可偏廢且况措辭判下之後乃以遂非執拘之說無  
難張皇尋常道理固難責之於此道伯而右袒邑倅庇覆  
兇身猶恐獄不牢而殺不償其意未可曉多費責教反涉  
屑越姑置之所謂初覆檢官等受不可仍置字收之任以



亂風教爲先施以誣度獄之律令該府拿問勘斷本獄成  
案今無可論仍自本曹校舉措辭行會諸道判付內殺  
人者死法意雖嚴敦尚風教王政所重則按獄之地不可  
膠守律例而偏廢倫義乙仍于法典中有其父被人毆打  
傷重而其子毆其人致死者及其父被殺咸獄不待究覈  
擅殺讎人者減死定配之文此可見其倫義重處律例反  
輕之義而有非尋常拘滯之見所能及是置今此湖南尹  
德圭子忱恒擅殺尹彥緒獄事良中惟我聖上洞燭互  
爲輕重之理 漢軫扶倫植紀之道旣 命勿施本獄又  
有此行會諸道之 判下教是如乎到關卽時書揭壁上



時時奉省亦卽曉諭列邑俾各舉行事

以孝烈上言嚴防

正宗十三年己酉 備局堂上引見入侍時 上曰上言之  
猥褻可謂近日痼弊立制之本意出於通下情之意而今  
則猥褻之極反有關於國綱禁雜之方不可不念卿等各  
陳所見可也左議政李 日朝家之許擊鐸上言者概慮  
群情或壅幽寃之莫伸而近來擊鐸上言者類多變幻事  
實希覲天恩事之無嚴莫此爲甚此係通下情一端雖不  
可設法永禁而若依定式只許四件事其中猥雜者隨加  
嚴繩則紛紜之弊庶可少息右議蔡 濟恭 曰近來上言擊



錚屑越益甚此弊不可不一番痛祛而但擊錚則立法本  
意或恐下情之有所壅遏則難以求塞就其中猥褻犯分  
者自法曹痛治則奸民猶有所嚴畏其所濫雜似不至於  
近日之甚至於上言以子孫言其父祖孝行以干 天恩  
者不勝其多揆以道理萬萬未安此後則一切嚴防雖以  
黨公議之爲他人論列孝行者自當呈書道伯以請狀  
聞而其所爲言果未爽實則道伯歲首之 啓豈不採取  
公議乎以此知委各道俾知定式無敢以孝烈等說煩之  
上言則庶可除濫習之一端矣 上曰孝烈事上言因前  
領相所奏年前果有區別定式此蓋出於禁其濫雜存一條



路而到今濫褻愈甚右相所奏正好此後除非歲首道狀  
無論爲親與爲他人無敢以上言爲之之意嚴飭京外可  
也

非分明冒稱外職役姓名不以實不得混入

正宗十三年己酉以役名不以實定配瑞興罪人金瑜恒因  
下教照律律官捧招草記定配如無關係放送事傳  
曰金瑜恒之罪不可輕先放送定配介棟一款置之而旣  
有招引良女之如許重犯則何故隱諱本事乃以此可東  
可西之律名照律自犯前後飭禁乎此等律官嚴處然後  
依備照律之法可以少熄初欲定配於照律該地方矣渠



輩多是貪殘之類今番則十分各酌自本曹嚴杖懲罪此  
後除非分明冒竊換名者外似此閒汨童律名無或混用  
事嚴飭律官處可也

禁撒市

正統十三年己酉大臣備局堂上引見入 侍時平市署提  
調李在簡所 啓大臣以懸房撒屠事陳白既有言端敢  
此仰達矣近來民習無嚴各廛市民往往有鎖廛撒市之  
舉事之駭然莫此爲甚此後則如或有撒市之弊本事由  
直毋論該廛頭頭人直爲嚴刑定配之意出舉條定式施  
行何如 上曰依爲之



拷訊定限

正宗十三年己酉以代射罪入李敏王嚴刑三次草記傳  
曰待拷訊限滿次次準次後發配此後如有準三次之類  
依此定式施行仍以此意分付諸道亦爲定式可也

檢驗謀避守令論罪

正宗十三年己酉因金羅道樂安郡殺獄罪人孫病入老味  
獄事回啓判付內樂安日孫病入老味段向來判  
付時非不知元犯之專屬此囚而第因其名而想其人則  
或慮夫病痿之漢未必作殺獄之舉是遣又况渠之前後  
爰辭一直推諉於在逃崔妻者亦不無些分就疑之端故



使之待跟捕究覈以聞今焉崔妻之供出而韓女被踢時  
光景非特瞭如指掌就其中牛黃鷄卵之面傳躬饋孫家  
崔屋之此毀彼賣以至隔一舍過三稔之相通聲氣者輒  
歸之在逃等各項隱跡尤明白呈露矣曹 啓所爲誣援  
渙如水釋情節轉成鐵案者誠得之另飭推官加刑得情  
毋論虛實真偽或同之妻開場之在傍者證者此也兇身  
之藉口掉脫者此也移在接壤之地恒行越虛之行則名  
以跟捕初不致疑仍以年久行查之後始爲現問者揆以  
獄體萬萬稽忽該郡守旣往論斷勿論不飭之道臣並推  
考爲旅兩屍帳之大小相左今不必追究而卽以前道臣



題辭論之檢驗事體至爲嚴急雖在冬節寒凝之時固不容畧刻少緩而觀於過去守令之在他地方亦爲行檢之法可知則順天光陽寶城三倅之互相頌移至使夏月屍體腐爛莫憑者誠極痛駭該道臣之不卽狀勘只治刑吏失之太寬從重推考三邑守令段待稅穀畢裝發並以拿問定罪舉一可以反三自卿曹以此判付知委諸道若有檢驗時謀避報移者是去等毋得掩置直以依定式拿問重勘之意措辭狀聞事嚴飭行會仍載本曹受教

係關殺獄內侍自斲

正宗十三年己酉京圻殺獄罪人韓灌子擊鐸原情回啓



判付內法典內朝官通訓以下係干殺越自斷訊推內侍  
無異同此後段依朝官例京外獄官自斷舉行事分  
付仍爲知委諸道爲良如教

凌辱妻上典者嚴刑後照勘

正宗十三年己酉徒流案入 啓 傳曰今播處分凌辱妻  
上典事被配者多蒙分棟槩以名數太多意或因他罪勘  
此律故耳否則何必輕放乎大抵最可惡最絕服者所謂  
婢夫之不恭於妻上典無論班戶閭家必多逢辱之弊况  
今民習不古 國法不畏之時此而欺治後弊難言勿以  
疏放認爲朝家本意在於欺治此後隨現隨告隨卽一一



如法勘配事卿曹知悉婢夫之不恭豈獨在於重宰及有  
品班戶而近見徒流案無非表表士夫若此則徼徼之人  
毋論兩班中人常人可知其初不如意懲治是豈平允之  
意乎自今徼徼人逢辱之處隨其發告或傳聞亦卽嚴治  
例杖例配何以懲惡其中事理重者原律外必皆嚴刑一  
次然後照勘

禁草記防 啓

正宗十三年己酉因斗一命福等本曹防 啓 傳曰依前  
判下舉行無論禁府本曹草記防 啓之弊不可無一番  
嚴禁有司異於言官與喉院若有難於舉行之事以上



疏陳見不害爲執藝之諫以草記直請反汗與喉啓臺啓  
者事體之猥越者莫甚於此此猶然矣甚至於藩守土之  
臣間以狀 啓云不得舉行緣由馳 啓寧有如許 國  
體此後永革草記請寢之謬例外方則令廟堂行會嚴飭  
而如是定式之後雖政院草記狀 啓爲之者切勿捧入  
事載之故事

奴犯主山

正宗十四年庚戌因漢城府 啓目判付內古之大臣先問  
牛喘所以盡其職也今之監司不識風化之關係至重觀  
於昨日价川事可謂寒心此訟段置亦關倫綱若使道臣



能盡其職似此亂民凌主之說何徹於九重乎今道伯除尋常親執嚴查若有一毫近似之事則按正犯分之律仍以厥漢輪示諸道後押付配所依流三千里新定式於周流之例爲旆此後奴犯主山而步數當禁之訟無論先後曲直切勿聽理所犯奴屬嚴刑三次遠惡絕身仍本役充定勿揀赦前以此 分付刑曹載之受 教仍又行會諸道俾各知委列邑期於無犯爲良如教

流囚家屬依律文許從

正宗十四年庚戌 傳曰今日適因雜科入格生徒台見聽考講大文至大明律流囚家屬條凡犯流者妻妾從之



文才覺傾聽仍令律官取來原書果有之大抵明律條尚  
嚴而嚴處濟寬有以仰制法之本旨况我朝制置之仁厚  
卽相授之家法以予追述之心既覺有事屬未遑之典寧  
或不思所以修潤之方乎近例徒流者妻妾無隨往之事  
貪無以自力携前往者不必勒令率去若勒令則是反係全  
家之律非所可論而如情理切急力能辦往者依律文許  
從未必不爲欽恤之政令法官以此知悉京外何異外方  
發配準此事令廟堂知委

久囚之年七十以上者 狀聞

正宗十四年庚戌 傳曰今因嶺南審理事該道則才有措



辭回諭而舉此可以反隅者諸道今番審理 判付祇受  
後若於仍推秩中年過七十歲以上人勿論已錄降未錄  
啓及詳覆各卽校舉狀聞仍請該曹稟處事分付年八十者勿  
論成獄卽導大明律成式也仍令特載於通補纂次時矧  
今大赦之會久囚之年七十以上者若不區別處分烏在  
其疏釋之本意並以此意知悉事令該曹分付兩都及嶺  
南外諸道監司處

掘塚罪人發配夥多嚴飭

正宗十四年庚戌 傳曰近來到配狀之首尾階續者私掘  
露棺罪也雖以今日放未放降本言之十之十卽厥罪雖



由於邦禁蕩然啓不畏法嗜訟山地之徒亦豈必昔少今  
多而然乎此蓋各該道伯不欲行任怨懲一之政而不能  
嚴戢於未然事之駭然孰甚於此况在先朝制法之飭

禁至爲嚴嚴則諸道舉行尤豈敢乃爾此後各道一年內  
以此事發配夥然者該道臣拿處不禁之時令同罪論收  
續不發配只減配文名數致有現發則亦難免其責以此  
謄頒朝紙仍令該曹嚴飭諸道俾勿更煩

輕囚放釋後不得還囚

正宗十四年庚戌 傳曰日寒如此刑曹時囚卽爲放送因  
曹草記 傳曰當寒放囚出於欽恤義典則所謂拘留之



類不但法外亦不入於放送中其可成說乎此後毋敢如  
前因日寒放送者過後還囚之弊亦爲嚴禁從當時送廩問  
以考其舉行動慢萬一違令堂上重勘之外入直卽廳先  
汰後拿下吏刑配以此 批答亦令政院載之該房故事  
可也

道伯巡到叅覈獄囚

正宗十四年庚戌京圻監司徐有所啓道內楊根郡殺

獄罪人鄭千已姜萬周楊州牧殺獄罪人俞彥郁等皆因

其子之讐錚原情自秋曹道伯詳查 啓聞後 稟處事

覈啓蒙允矣殺獄罪人之因 判付究覈者捉致營門別



定查官眼同舉行卽是格例而毋論元犯與干連切鄰一  
獄應問者其數殆近數十人許多日畱連營下爲弊滋甚  
故臣於年前以罪人所在邑巡到時按例叅覈此後則定  
式施行事有所延達蒙允故楊州俞彥郁獄事巡到  
本牧時已爲定查官叅覈矣楊根郡兩罪人獄事亦依此  
例舉行何如上曰依爲之

禁擊鐸原情泛及題外

正宗十五年辛亥因西部李靖國擊鐸捧供 啓目 判付

內訟理曲直不難分曉則公度顧何難事召以營邑今日  
明日推諉爲事屢番呼籲屑越莫甚嚴飭諸道毋敢如前



漫漶爲跡。渠雖有至寃切迫之端。但當取事論事。舉其不當舉之彼。復先故登諸奏御文字。此等習俗。在朝紳猶可痛禁。况如渠蠅蝨乎。所謂世累亦以昭脫。無餘官爵自如之人。則尤可謂皮不存。原情人段付之該道。各別嚴治。此後勿論山訟。他訟。泛及題外。如此說話。以爲敲憾之計者。直於曹庭道庭燒火所捧原情。後勿論訟理。曲直加等勘罪。仍卽草記。或狀聞事。定式。施行政院。該房故事。該曹該道。謄錄以此。判付詳載。以爲依此遵行之地。

鄉戰者勿論曲直。嚴刑克軍。

正宗斗六年壬子。京圻利川鄉戰罪人李義亨。到配狀判。



付內民習可痛鄉戰法禁如何則焉敢以此事登聞卿其  
除尋常嚴刑三次絕島定配仍令該曹編飭各道更以鄉  
戰二字登聞道臣守令難免重勘毋論罪之輕重隨現一  
依先朝受教法令導行毋或一毫之忽事分付先朝  
受教內諸道空然惹鬧搆捏呈訴者爭開鄉任校院肆然  
呈狀者彼此爲訴互相是非者勿論本事曲直嚴刑三次  
後永除鄉案仰籍終身克軍海島

非特教而定配於楸黑耽者反坐

正宗十六年壬子以義禁府 啓曰前承旨朴奎淳島配竈  
配事 傳曰一邊許施於道狀一邊定配於該道是豈信



令之意乎罪者罪法者法則楸黑耽之無特教而定配所  
卿之舉行已萬萬未安更定配所處亦違下教本意卿  
則爲先從重推考湖南兩道如無稍實邑移配西北大抵  
有司守法然後人之視法者畏之被法者亦畏之若以一  
時公憤任意濶狹於常法則法自益重而其流之弊誠有  
難言者此後非特教而定配所於楸黑耽者勿論該曹該  
府當該首堂當施反坐之律以此惕念仍爲載例故事及  
騰錄可也

婢夫定制

正宗十七年癸丑 傳曰婢夫之於妻上典名分何如而特



以殺有償命爲施惡蔑紀之端而爲其妻上典者未免彌縫爲事以至欲治不治而班如此中人何論中人如此市井何論如此不已則將使等威日紊誠非細慮每欲一番定式而未果矣今以刑曹稟凌之殺獄觀之所謂婢夫可爲誅之猶輕豈可議到於成獄乎若杜凌犯之漸宜先潤色於金石之典然後有奴婢之上典雖甚殘微無勢力不得已行號令而婢夫之惡習可以除矣有國所重莫大於風教夫爲妻綱上典爲奴婢之綱淫女之鷄奔也除非並殺奸夫於奸所則例皆成獄償命而先朝特軫風教之日渝諸非挽裳對飯而現捉本夫之類皆許猶輕之典



妻上曲之於婢夫不敢下手而邂逅死則必償命此何異  
於奸所之犯上曲乎其視悖漢之與淫女一番挽裳一番  
對飯其輕重濃淡尤有間焉然則妻上曲之治罪犯分之  
婢夫而婢夫致斃者受不可勿問事實一體償命大臣及  
曾經刑官諸臣各陳所見可也領議政洪曰近來名分  
之紊亂誠一痼弊而至於婢夫之凌辱妻上曲者不但士  
夫家有之閭巷尤甚若或有意外殺死之獄不問是非一  
例訊推虧傷紀綱所關非細爲法官者當觀用意與邂逅  
如其用意則固不可枉法濶狹若係邂逅則初不直斷以  
殺戮別具意見仰請 稟裁似好矣行司直鄭民始曰婢



夫有凌犯之事略加懲治而因此邂逅者亦與凡民同律  
果爲太重若其罪不至死而用意戕害者固當如律而其  
他笞杖之屬許以參量自斷假其威權而或致邂逅從以  
濶狹則彼亦畏而自戢矣司直李文源曰如或用意戕殺

婢夫則固當參考情法而邂逅則參量輕重合有綱停矣  
戶曹判書沈頤之曰今若定以笞杖幾何自斷之法而或

有邂逅之死杖數之內勿問故爲戕害情理絕悖者初檢

後具由草記以待處分恐好矣右參贊洪秀輔曰戶判所

奏誠爲得當矣兵曹判書徐有防曰戶判之具由草記云

者誠有所據矣吏曹判書金思穆曰戶判所奏恐似得宜



笑禮曹判書閔

鍾頭

曰依戶判所奏以爲

稟裁恐好矣

開城畱守李

秉鼎

曰凡有獄案欽恤濶狹惟在上天之造

化恐不如作爲定制矣刑曹判書徐

鼎修

曰婢夫有多年

使役無異奴僕或有一時依接便同路人者今若著爲一

定之規則似不無掣碍之端舉實陳聞以爲

稟裁濶狹

似好矣

上曰詢問之意豈徒然哉蓋欲嚴等威正名分

無寓生道殺人之意也今雖濶狹豈必以此爲弊若以假

與治罪之權爲枉殺之慮云爾則此有大不然奴婢至於

上典旣許殺濶其不告官之律不過凌杖而未聞以此有

枉殺之爲弊至於開城畱守所奏中閤老人婢夫亦多儕



類云云尤未必爲然向所謂婢夫云者特指率接廊下如  
奴使喚者之謂也誠如重臣之說則士夫之家畜人家婢  
僕而見殺於本主者亦當不爲償命乎此則重臣之慮誠  
過矣今番詢問之舉積有酌量而爲者自今人家率接之  
婢夫向妻上曲肆發惡言情理絕悖而妻上曲治罪邂逅  
致死者部官報于該曹依挽裳對飯律勿爲成獄情非絕  
悖治罪邂逅則獄具後草記 稟凌不當發告而發告者  
定反坐其他言語之不恭行事之犯分者不分輕重隨現  
告官嚴刑定配婢人家婢夫輩知有妻上曲之有處治之  
權事分付京外可也



圖出楷條假稱官監者摘發狀聞事

正宗十七年癸丑全羅監司李書九狀啓圖出楷條假稱官

監官墨之柳根得等自臣營照律痛繩次知內官金壽綱

罪狀令收司稟處事傳曰嚴飭何如則踏條不踏圖

署其爲官屬之作奸一也令道伯符同諸漢嚴繩懲後其

中官屬金福甲柳根得爲名漢爲先絕身爲奴仍令完伯

除尋常各別嚴刑發配柳完得之逃縣云者尤爲痛駭令

捕廳捉得下送該道亦爲嚴刑爲奴毋論知與不知身爲

次知中使其敢逃其罪乎圻沿定配辛亥受教何等截

嚴而除非禁穀催運毋敢成送圖署既有定式則法外之



圖署猶當不問本事曲直卽地報營以爲如法勘處之地  
況踏條之牌子乎不有定式徒事詳探至有民訴之後始  
乃報營若無民訴其將掩置乎違制之律焉敢違也該郡  
守宋厚淵令該府拿問施以當律亦令廟堂嚴飭該道外  
諸道

一日杖不過百度

正宗十八年甲寅 傳曰朝家刑政自有定制杖罪則毋過  
百度刑訊則定以三十無寓拷訊幾日之限作爲關和不  
易之典而近來有司之地率多不遵詔以今番杖治政院  
吏事言之更爲嚴杖之命蓋不知初施百度也本曹初不



來、稟一日之內前後杖治多至百五十之數此豈制法之本意哉堂卽頻數通易雖或不爛法例至於吏胥則久習曹務宜知法之如何而不能據例提醒致有法外之事今姑畧酌雖不能嚴處此後則凡於科治之際旣施三十刑百度杖之後或有夏治之飭教必以旣施幾度何以爲之之意更爲草記或入 稟待 下教舉行事依 筵教永爲定式載之謄錄揭壁遵行

土地析受毋敢自下擅爲事

正宗十八年甲寅以義禁府草記元有朋拿處事 判付內土地析受本非自下擅爲之事其律至嚴竊除良年前新



有定式尤何等截嚴則渠是何人乃敢無難冒法言於堂  
上乎堂上之樂聞梳弊之際循例漫題不是異事渠雖未  
發卽亦士夫則犯科取田土之事甘爲毀蔑常憲之人由  
前由後萬萬痛惡卽其地高城郡勿限年定配仍施禁錮  
之典爲旒名以受教則爲京外有司之臣者當信如金  
石奉若拱璧守而勿失莫敢差跌卽臣分之所固然是在  
乙此雖微事所以設禁之本意出於爲民邑也杜奸竇也  
未見入 啓文跡乃敢依例舉行若此者法將焉用卿等  
取考受教當該觀察使以下冒犯者勘以定式之律卽  
爲草記將此 判付廟堂申明嚴飭京外俾作他山之石



爲良如教

災結私用還穀立本斷以重律

正宗十八年甲寅因行副司直鄭民始所啓以賊律事收

議草記 批旨內卿等具意見措辭稟處事 命下矣第臣

等別有愚見敢此尾陳大抵贓污之類不一其端而最可  
痛惡者還穀立本也災結私用也而或有現發於按廩之  
地者每因爰辭之牒撰雖有許多所犯輒歸之於邦移出  
紉而照律故法無所施人不知畏重臣所奏苟簡方便大  
臣獻議非法不備云者正指此等處也臣等之意則自今  
爲始災結私用百結以上還穀立本千石以上之類勿用



邦移之律各別嚴勘恐合懲貪之道而隨賊定律非臣等  
膚淺之見所可率爾臆對矣 上裁何如 傳曰草記施  
行可也

徒罪勿爲移錄於不限年

正宗十九年乙卯本曹判書李 所 啓日前本曹郎廳徐

膺輔以赦典時徒配罪人勿爲移錄於不限年事仰奏而

批旨內言于判堂 稟處事 下教矣徒配之遇赦卽放

法典所載而其中或有罪犯稍重不可輕放者則移錄於  
不限年乃是近來定式事也蓋徒配輕罪而若於頒赦之  
時反置於不限年則是乃由輕而入重也非但有律名低



仰之嫌亦有違於朝家廣慶之澤郎官所奏儘有意見此  
後赦典時若有徒配中罪犯稍重者則仍其本律置之  
稟秩而以限滿後更爲狀聞之意措辭於放未放啓本  
中以爲定式恐合事宜以此分付於該道道臣何如上  
曰依爲之

八十  
珍島勿配

正宗二十年丙辰禁府罪人趙祥達珍島定配草記還爲出  
給後口傳下教曰珍島卽九九甚甚邑勿定配所事前  
有飭教而今何以定於此道乎此後特教外珍島則  
勿定配所事禁府刑曹一體知悉事下教



定屬婢只役其身申明

正宗二十一年丁巳刑曹判書李

得臣

所

啓定屬官婢之

只役其身勿侵所生自是法典而近來外邑守令或有不  
知而犯者或有知而故犯者視同原案奴婢一體使役者  
有違法意亦是傷和前後關飭非不申嚴而尚不無混侵  
之弊昨新臣曹問多有之臣意則出舉條各別嚴飭俾無  
如前之弊似好故敢此仰達矣 上曰依爲之

加辜限非

稟旨收議歸一前毋敢輕易成獄

正宗二十二年戊午行副護軍洪

義浩

所

啓辜限之法元

宋以前手足傷人限十日至

皇朝始用二十日之限蓋



速死之處不得過十日十日之限法意則然而人有強弱  
之不同打有極歇之差殊或有打至二十日而始死者則  
皇朝斷以二十日蓋出於重人命之意也至於加辜限之  
法則萬曆十三年刑官舒化纂進條例始有因本傷致死  
加用辜限之例矣然而因本傷致死最難執定一或差誤  
死生係焉其不可輕易援用也明矣戊子年平安道錄

啓中未經覆 啓遽用加限之法而致勤嚴教伊後京  
外掌法之臣莫敢因用曾前泮人鄭漢龍以環刀擊人膝  
骨死於辜限外環刀擊人其有殺心明白膝骨半落其因  
傷致死亦無疑故秋曹 啓稟請用加限至有問議大臣



後姑爲 允許矣大抵死於限外者率多調治失宜針灸  
乖方之致則其傷雖曰因人其死抑有已乎自今以後除  
非金刃傷口咬傷等死事情明白者外勿用加限似合於  
慎獄之意矣 上曰依爲之加限之法不可容易始之雖  
金刃傷口咬傷除非別般 稟旨收議歸一之前無敢輕  
先成獄之意嚴飭京外可也

檢驗定式及死罪收贖定式

正宗二十三年己未副護軍洪

義浩

所 啓臣兄仁浩曾於

審理丹子修正時以有關於刑獄慎恤之事

廷奏諸條

至蒙

允可而未及

啓下矣今伏承審理錄緒修之



命而因此言端以臣兄之昔所陳諸條更此仰達矣檢驗  
時先捧招後開檢自是甲辰事目而詞訂衆多轉告不已  
則捧招或有延過二三日之弊若值暑月屍體變動檢傷  
無憑今後則按節氣寒暑量看證多寡不必拘於事目一  
邊開檢仍卽具由 啓聞似合事宜以此知委京外何如  
上曰依爲之又所 啓丁酉事目中已埋者勿檢之 教  
蓋指白骨之檢久遠之掘也至於起埋匿埋之日月雖或  
稍久事情當屬檢驗者亦未嘗一切勿許掘檢又若常漢  
藁瘞未可謂永埋之類皆當一邊 啓聞一邊開檢而通  
編中撮錄太簡京外舉行易致疑眩亦宜 稟旨詳錄俾



有一定之式矣。上曰：夏與曾經刑判人相議，仍又就議。大臣指一定式可也。又所啓過失收贖，大明律則四百二十兩，而大典則例徵四十九兩，而梁大善獄判付中有過失殺收贖四百餘兩之教，似是四十餘緡之緡字。承書謬錯之致也。所當改書緡字，而判付文字事體至重，故敢此仰達矣。上曰：依爲之緡，是十兩之謂，而近來吏文之通用於一兩者，其實則非矣。四十餘兩之十字傳謄之際，錯書百字而然，卽爲厘正可也。

敗下守令反罵上營者用投印律

正宗二十四年庚申忠州前收使安

廷鐸

原情公事判付



內厥錢用處之渠之用於私與道伯之用於書院兩者之  
涇渭揭厲都無論有國之堂階如人之有上中下三焦萬  
一有各相奪倫於為國為人何哉貶下者以衡言言反罵治  
校則以惡談相加以至上營之推擬公兄防報不送而其  
漸不可長此囚段圻沿到配自今下官之如右三倖罪過  
者依投印律受教定式直請令攸司依受教律勘斷  
事分付諸道營園仍載受教為良如教

籍產奴婢所屬

當子元年辛酉戶曹判書李

書九

所啓籍產奴婢之沒入

戶曹依寺奴例例收貢自是度支古規也各司奴婢革罷



之後籍產奴婢使役屬處不可無一番定式此後則居外  
 邑者仍屬該官奴婢居京者劃給秋曹使之錄案使役恐  
 合事宜故敢此仰達矣上曰依爲之

內奴婢寺奴婢革罷

當元元年辛酉傳曰一先朝以內奴婢寺奴婢嘗欲革罷  
 予當繼述自今一并革罷其給代令壯勇營舉行仍令文  
 任代撰綸音曉諭傳曰內司各宮房各司奴婢案令政  
 院卽刻收取承旨往敦化門外燒火後以奏

縛娶之類施以治盜律

當元五年乙丑刑曹判書李勉所啓我東素稱禮義之



邦雖在閭巷匹庶之類婚娶之際各有應行之禮而挽近  
以來外邑邨間或有守寡之良女則強暴者多率徒黨乘  
夜踴奪包裹結束名之曰縛娶其爲傷風悖倫已無可言  
而或因此而致殺越之變甚至有犯及兩班族者愚民視  
以爲常官府亦無定律日甚一日禁止不得誠極寒心夫  
暗地穿窬竊財貨尚施賊律况結黨行劫奪取人物者何  
異於明火強盜乎若不別般嚴懲其流之弊有不可勝言  
臣意則如此之類無論首從一併出付鎮營以繩治盜之  
律則頑民雖欲行劫誰肯同往助力自陷重辟乎如此則  
非但陋俗之自革亦可以禮教之有裨以此意分付諸道



先以申令之意曉諭坊曲如有更犯者依此施行似好故  
敢此仰達矣 上曰依爲之

奴婢免賤區別

當子六年丙辰右副承旨李好敏所啓臣待罪秋曹時以  
免賤帖事有區區所懷敢此仰達矣凡賜牌奴婢則以寺  
奴婢定給立吏則以官奴婢望定載在法典而徒自願免  
賤帖外並以官奴婢湏給者已違法意其中免賤帖之年  
久無稽者一項并湏虛實相蒙外邑官奴婢緣此而轉益  
減實有不成額樣之慮從今以後凡免賤帖之 啓下者  
當屬於官奴婢者令該曹詳考帖文真贋年條久近十分



消詳毋至如前混雜之意指一定式而當屬於寺奴婢者  
寺奴婢輩罷之後不可以官奴婢一例頒給無所區別而  
事係 恩賞亦令廟堂從長變通何如 上曰令廟堂稟  
處可也

士夫家或稱久遠田地或托先代賜土

當予八年戊辰右議政金載瓚所啓頃以廣州府查報之

稽滯請罪守臣及守令而至橫侵民間之弊自本司嚴加  
禁斷俾絕衆民呼冤之端矣大抵京外士夫家或稱以久  
遠田地或托以先代賜土無端起鬧誅求小民者不勝其  
多以是鄉民切骨之患將至於不得真生此後似此非理



之事則凡事在六十年前勿許聽理卽是祖宗朝受教  
毋論賜土與私田見失過六十年之久則無得起訟官不  
爲聽理如是而若又不悛則施以非理好訟之律而先以  
此意嚴飭於京外聽訟衙門何如 上曰依爲之

重囚見失刑鎖施以次律

當字十年庚午左議政金載瓚

所

啓重囚見失限內未捉

則守令罷拿自是法文矣近來外邑失囚之報甚多而每  
在於稍有治聲之邑聞邑屬謀逐邑倅則必故縱重囚仍  
不捕捉以爲售奸之妙計云奸無不有法反爲弊有如是  
矣 殿牌作變松田放火俱是守令罪罷之法而邑民輩



籍法容奸者一如故縱重囚之弊故至有守令勿罷之受  
教已成法文自是以後乃以縱囚要爲逐倖之計近則尤  
有甚焉令若一泛其滋奸則將見弊無所不有矣此後則  
勿爲先罪守令必令嚴覈刑鎖然後庶爲折奸杜弊之道  
而事係法典有難遽請變更廣詢登筵諸臣後一依  
殿牌作變及松田放火已定之例處之似好故敢此仰達  
矣 上曰左相之議何如右議政金思穆曰近來獄囚逃  
失種種有之今此左相所奏實出於杜奸萌慮後弊之意  
無容更議矣 上曰諸宰之意何如吏曹判書徐藻輔曰  
重囚逃失不無奸猾輩故縱之弊依大臣所奏勿罷其守



令則庶可爲杜奸之道至於刑鎖則嚴刑遠配斷不饒貸

尤好矣戶曹判書朴宗來

曰外邑此等之弊近多有之誠

如太臣所奏勿爲全責守令更重刑鎖之律則其於杜奸

之弊嚴獄囚之道似俱得宜矣行大護軍沈

象奎

曰大薛

囚之逃躲限內未捕該守令罷拿卽法典所在而至於刑

鎖以其微賤也故雖自營邑懲治而初無定律無所顧畏

符同故縱憑法售奸誠萬萬痛惡如此者必也嚴刑限三

次遠惡地限已身爲奴以此揭式方可永戢其狡猾之習

守令勘罪自是嚴大辟重獄體之意則法意所在不可自

下濶狹此則道臣勿爲直罷攸司臨時

稟旨後舉行恐



似合宜矣兵曹判書金 曰重囚逃躲守令論罪不易之  
典而挽近法網漸弛奸猾之不利官長者欲以逃失罪因  
得售其計在在相續折奸重法之道在所叟張若其照檢  
獄囚莫如刑鎖則此後現發先以刑鎖斷用次律當該邑  
倅臨時 稟旨處之實爲防奸杜弊之政臣亦別無他見  
矣禮曹判書朴 論壽 曰重囚逃失邑守令論罷自是嚴大  
辟重獄體之意而近來奸弊難保無適中罷倅之計先施  
嚴法於刑鎖過限不爲捉得則邑倅論理請勘恭俟 處  
分恐合事宜矣行護軍李 得濟 曰金石之典法久弊生至  
於邑屬黃緣作奸之境此不可無變通之道而邑倅坐罷



與否獄吏勘罪輕重諸臣已皆陳達矣臣無他見矣校理

徐

長輔

曰大臣諸宰皆已陳達臣亦別無他議而蓋若失

錄。啓重囚則當該守令罷拿之舉卽是嚴防守之舊典而但法久弊生奸鄉猾胥如欲謀逐其邑倖則必與刑鎖符同故縱重囚以逞其計矣近來此弊徃徃有之旣知其爲弊則亦不可不更張失囚之刑鎖等屬自今爲始施以次律各別嚴勘而雖以當該守令言之如或全無舉論則有異於當初設法之意且不無將來緩忽之慮使之臨時啓稟以處似好矣上曰揆以獄情紀綱而無所失依爲之守令論罪一款其時刑官論理啓處可也



到配 啓本中發配日字亦爲舉論

當于十一年辛未本曹草記內以京畿監司權尚慎狀啓  
自刑曹關全羅道康津縣古今島定配罪人李春世雇人  
換配之重林驛子照法嚴勘不能檢飭之該察訪李福麗  
罪狀令攸司 稟處事 傳曰觀此狀啓定配罪人之換  
面督往前所未聞近來紀綱雖曰顧弛豈有如許法度此  
兩罪人令該曹嚴加刑罰惡島定配而該察訪不飭之罪  
令該府拿問重勘以懲日後無窮之弊事 命下矣今此  
定配罪人之雇人換配重林驛子之捧賂弄奸實是前所  
未有之事罪人李春世居生於黃海道遂安郡故星火捉



送之意今方發關該道待其擬來各別嚴刑惡島定配押  
送計料而符同之驛子究其罪犯不下於春世嚴刑後惡  
島定配之意分付該道編配罪人之發配後逗遛中路之  
弊此有之以至有今番之事其為駭痛孰甚於此乎大  
抵諸道罪人到配 啓本只書到配日字不書發配日字  
故驛子之捧賂濶狹罪人之任意遲滯率由於此此後則  
發配及到配日字並為登聞之意行會各道而計其程道  
遠近如有許久淹滯之弊則該驛察訪該邑守令隨現論  
罪於到配 啓本中以杜奸弊之意一體 分付何如 傳  
曰允



通吏千石以上梟示

當子十三年癸酉領議政金載瓚所啓砥平通吏今已用法而此非該邑吏偷竊該邑見在之穀者也身為營下籌摘之吏都攬各邑穀恣恣弄一營會案移東幻西惟意擲挪乃以萬餘石國穀一筆勾斷全數乾沒其為亂公簿愚黔首流毒一路之弊不可與邑吏之盜竊邑穀同一論也若使道臣果能威戢明燭則豈使一吏之奸行其所無事若使之甚也未知其作奸之始自何時而溯考年條伊時道臣捧現告施以削職之典此後則凡營吏之舞弄會案者無論石數多少道臣摘發啓聞與砥平吏同律處



斷營牌之監簿者直爲刑配當該不察道臣卽施告身追奪之典仍爲著式載之於各道事目之意行會於八道四都而統營及兵水營亦一體分付近來穀逋無邑不然此蓋守令若不與奸吏同犯則卽是矇不事事一委吏手之罪而徵逋之法只及下吏不及守令有非國典所在徃雖勿論來猶可追列邑之有逋未覺者道臣淡覈年條始逋守令三分一徵捧流逋之未發覺守令四分一徵捧並卽指名狀聞各施竄配禁錮之律逋吏千石以上捉致營下具由馳啓卽施梟示求爲定式而使之先以此意頒示列邑之意行關知委何如上曰依爲之



火藥私造賣買者定制

當于十五年乙亥領議政金

載璜

所啓卽見三軍門牒報

則以爲弓箭外毋得私造私賣法禁至嚴而近來藥丸銃  
刀列肆爛賣甚至作契都庫若不嚴斷後弊難言自今申  
明舊典嚴立科條都庫最甚者斷以一律其次嚴刑遠配  
物件則屬公之意申飭三司捕廳平市署每朔譏察隨現捉  
納事定式施行爲辭矣軍器之私造私賣以至於作契都  
庫別成一局者萬萬驚駭此不可以尋常亂厯論也私造  
與都庫依私鑄錢私造曆律斷以大辟私相賣買之類並  
限死嚴刑極邊勿限年遠配而令兩捕廳主管訶察物種



分送各軍門罪人移付刑曹以爲依律勘斷之地仍載於捕廳及法司事目之意分付何如 上曰依爲之

毀破家舍犯接婦女者定律

當子十八年戊寅右議政南

公轍

所

啓近來民習悍悍可

驚可愕之端不勝其多而難以閭巷間闖開作罕者言之毀破家舍犯接婦女此是前所未聞之悖習傷風敗俗孰甚於此犯者略無顧忌當者如逢亂離此實感世之一亂民苟或過此則白晝京城剽掠恣奪之弊將無所不有朝家之前後禁飭非不嚴矣而終無實效者蓋緣擬律每患輕歟被配卽見宥釋故以致啓不畏法者作例事耳謹稽



律文故燒房屋及掠奪恟奸者首爲一律從爲限已身身  
配如欲別般設禁而用加倍之法則以右律準照用之實  
合於刑期無刑之義此爲目下懲豪猾保殘民之一道依  
此著式永久遵行之意分付法司亦令書揭坊曲俾爲先  
甲之飭何如 上曰依爲之

殿牌作變罪人關係逆節外勿爲逮鞠令本道用法

當年二十年庚辰鞠廳議 啓 判付內依允爲旆懲後警  
衆之道本處勝於京中捧結案後卽爲押送本鎮用法自  
今以後凡殿牌作變罪人差官推覈得情事情之關係逆  
節與別般奸兇謀計之外似此之類皆於本處用法勿爲



逮鞠王府事載之受教求為施行可也義禁府以鞠廳大  
臣意 啓曰罪人之求押送本鎮用法事 命下矣謹稽  
金吾騰錄則 英廟己巳亦有殿牌作變罪人令地方官  
用法之 命而其時令該道都事監刑今亦依此知委而  
都事若未及赴任則道內守令中別定假都事星火馳往  
于本鎮大會民人監刑使之 啓聞之意令付道臣罪人  
用法之際律名外道易致疑眩依已例照律手本 啓下  
後別關賁送于本道以為及時舉行之地何如 傳曰允  
已 蔘潛越不飭地方官及校吏勘斷

當于二十二年壬午領議政金

載瓚

所

啓已蔘潛越罪在



極律而通灣一路殆同無禁之地毋論節行別行一行所  
潛入輒不下千餘斤而推究之徒略無顧忌視若尋常今  
則元包二百斤將無以見售於彼乎官府初不管檢校吏  
舉皆和應並與諸般禁物交集并湊而最是蒼畜尤為甚  
焉法網至此良欲無言自今別使之行另加調察一有所  
犯則依本律並用境上梟首之典掩匿之校吏亦與之同  
罪不飭之地方官施以卽其地定配之律著為新領事目  
仍為及時行會以示先甲之意何如 上曰依為之

殿牌係變罪人止誅其身勿為弩戲

當于二十二年壬午刑曹奏判李止淵所 啟臣見泰刑官



而本曹適有殿牌作變罪人回 啓舉行事竊有區區愚  
見敢此仰達矣蓋殿牌事體莫嚴莫重苟或凶悖之徒敢  
有干犯於此則照用大逆之律義固有在不可以其計之  
專由於圖逐官長謀害儕流有所容議於其間而第念鄉  
曲愚賤輩之類其所作變者跡雖同於不軌情跡出於無  
知充類用律至於孥戮其在刑政反涉屑越且與直有本  
律者有異止誅其身不害爲 天地好生之德臣意則自  
今爲始元殿牌作變罪人之爲首者以本罪捧結案後施  
以不待時斬之律恐爲允當而事係刑政下詢大臣處之  
何如 上曰大臣之意何如領議政金載瓚曰殿牌作變



初無本定之律只用荀照之例而以其跡同大逆並施孥  
戮然而孥戮過矣法官所奏極有義意若承允許之批當  
載之受教永爲王命關右之典矣右議政林漢浩曰一正  
之法國不可變改而似此之律卽是荀照引用者旣非關  
石之正制則從輕之典所奏果有意見臣無容他議矣  
上曰依爲之

失符守令勿爲勘罪

當于二十二年壬午備邊司 啓曰今以天安郡失符事自  
本道狀聞下該府勘處姑未知該府照律果將如何而  
謹稽先朝丙辰鴻山縣有失符之變特下依殿牌作變



邑守令勘罪勿論之例該守令則特爲分揀之命矣今此  
道 啓中不爲舉似受教只請罷守令者雖緣未詳攷之  
致而疎忽非細道臣推考今後則以丙辰處分載之金吾  
事目以爲永久成憲天安郡守勘律議諸大臣裁處罪人  
捕捉爲日已久而尚無形止之登聞本道稽忽誠極駭然  
若不刻期發捕限內捉得則各鎮營將並施投畀之典道  
帥之臣亦爲從重勘處以此意行會該道何如 傳曰允







諸事目

均役事目  
各處往來船隻無地土行商掌標則船隻及下物屬公當該  
船主嚴刑違配該津監考一體勘斷其摘發告官者以其  
屬公之物三分之一賞之各津監考或有受賂掩置者則  
與之同罪

漕運事目

漕稅船上來時不謹護送以致狼狽則監色刑配  
田稅裝載後私自換船者監色沙格依敗船罪減一等論  
船價米上納前自犯手則不飭守令依反作律施以五年



禁錮鄉色以國穀偷竊律論

田禁事目

松田禁標內冒耕者依強占官民山場律論入葬者以有主山地內盜葬律論

偷斫生松者一株以上依盜園陵樹木律論

新領事目

婢夫凌辱妻上典者杖八十徒二年非居生於率下者杖一

百

吏卒罵本衙門五品以上官者杖一百六品以下官者減三

等事理絕悖者杖一百徒三年罵他衙門官者各減二等

常賤罵無品士族有品雜歧官者杖六十事理重者杖六十

徒一年



搆捏誣訴者比犯人加等論

禁酒事目

釀酒者依法私茶杖一百徒三年

賣者同

買飲者依制違杖一

百造曲者制違加抗拒不服二等元數曲外加者制違減  
者與造麴同罪曲子賣買者亦造麴同罪



書經卷之四 西伯侯伯

於其時自

何而生於世一林以不依此

新經

其時自

後與楚曉罪由不香有否打楚曉罪

之百與由古

謂其

其時自

其時自



偽照

竊入神主

忠州李無逸略解卜術潛竊鄰家神主藏置他處及其來卜  
推給索錢事大明律禁止師巫邪術條云左道亂正之術  
煽惑人民爲從者杖一百流三千里

偽造通計

狼川黃明伊偽造吉來復妻屍計書通計于其女家發喪之  
後徵索雇價事大典通編公賤條云以生爲死者杖一百  
流三千里

校官作等



信川申以晦閔誼等相詰於校宮打毀牆壁事 大明律折  
毀申明亭條云折毀申明亭房屋者杖一百流三千里

棘園上曲墳塚

木川私奴七同以荆藁園之父上曲墳墓事 大典通編推  
斷條云罪犯綱常情理深重者杖一百流三千里

不養父母

淳昌私奴奉鶴不能養父母使老母至於飢毒自斃之境  
大明律云不養父母以致餓死者杖一百流三千里

打破父母主櫬

打破父母主櫬事 大典通編推斷條云罪犯綱常情理深



重者杖一百流三千里

稽古

妻犯極逆其夫緣坐

仁祖十年壬申禁府 啓曰今此詛呪逆賊明花與其夫文  
正立有子息同居律文則有妻妾爲奴之語不舉其夫而  
明花乃是通天極賊其夫理難獨免何以爲之敢 稟  
答曰議大臣處置領議政吳允謙議曰夫之於妻妻之於  
夫固無不同明花承服則其夫難免緣坐矣右議政金  
瑬議曰律文內逆賊緣坐父母兄弟叔姪妻子皆有明文  
而獨不及夫無乃自古逆賊皆出於男人而女人則無謀



逆之事故只舉妻妾而不及於夫耶律文雖無而其夫萬無不知情之理似難獨免伏惟上裁答曰依議

欺罔舅姑

肅宗四年戊午鄭維憲妻有女與婢子王禮竊取四寸甥李東藩之子詐稱親生欺隱其舅姑及其長成婚娶士夫家本曹推覈得情有女等分輕重科罪維憲東藩各杖一百徒三年

妖邪惑衆二條

英宗二十四年戊辰海西有妖女自稱生佛鄉民靡然尊信西諸巫棄業聽令上聞之遣御史鼎示以正惑世之



罪

英宗三十四年戊寅金川良女英梅新溪良女福蘭臺平山  
良女英時稱以生佛誰惑愚氓 命御史李 徹王 按查英  
梅福蘭臺梟示英時嚴刑一次後黑山島定配

先強後和致死

英宗三十七年辛巳 傳曰今覽海西狀聞初覆時所料無  
異疑端多而律文中亦云初雖被枷末稍則和廢節與否  
已無可論大抵此事朴召史苦節則萬已當償命朴召史  
不爲廢節則萬已自在終和惟輕之典而道臣結語中朴  
召史不爲廢節則萬已欲置償命不亦過乎雖然於此於



彼朴名吏之殞命由於萬已不可循例酌處嚴刑一次後  
島配

妖邪惑衆

正宗十一年丁未江陵金春光及其母金女居接本縣水清  
洞金女則自稱彌勒佛接身奉命天神春光則自稱一陣  
大將或禦魅將軍以五色布木紙作爲旗幟假七星祈禱  
及天令祇受妖邪誕妄無所不至又况緊出鞫囚招中道  
降遠地發配云有 古嚴刑發配

偽印未成勘斷

當于十四年甲戌刑曹 啓曰密陽府偽印罪人朱思白獄



事謹按律文凡係印信偽造者以一律論而罪人朱思白  
既以偽造自服則亟用當律無容他議而謹稽 英宗朝  
戊寅受教若曰無印文成案者京外法官其宜審慎是白  
遣 先朝辛丑因蔚山人姜太玉等翻刻左兵營印信本  
曹回 啓 判付內若曰所謂偽印信篆畫不明印文未  
詳既有 先朝戊寅受 教仰體欽恤之威德惟首惟從  
分輕重受配是白如乎今此思白所犯摺紙依樣而初無  
刻畫篆文比諸太玉等所犯尤有間焉其在審克之政合  
有衆量之道而今若施次律流配則反輕於當初勘定之  
意絕島爲奴令道臣嚴刑三次後罪目添書依初定律仍



配隨從金宅淳段依道 啓施行事分付何如 傳曰依  
允

打破家主櫬

李運成妻金女擲破其天主櫬詬辱前妻子結項致死事

傳曰運成之妻萬萬叵測生人與主櫬何異雖用一律其  
不過也而考諸律文則旣無必死之律杖一百倘照終涉  
太輕嚴刑一次巨濟府勿限年定配



附例大明律抄目錄

下名例

一應議者之父祖有犯

二工樂戶及婦人犯罪

職制

三濫設官吏

公式

四漏泄軍情大事

戶役

五賦役不均



六逃避差役

田宅

七盜賣田宅

婚姻

八典雇妻妾

九居喪嫁娶

倉庫

十收糧違限

十一虛出通關朱破

十二轉解官物



課程

十三鹽法

十四匿稅

錢債

十五違禁取利

市廛

十六把持行市

祭祀

十七褻瀆神明

十八禁止師巫邪術



宮衛

十九衝突儀仗

軍政

二十申報軍務

關津

二十一私越冒渡關津

二十二盤詰姦細

二十三私出外境及違禁下海

郵驛

二十四遞送公文



二十五夕乘驛馬入

賊盜

二十六強盜

二十七脚囚

二十八白晝搶奪

二十九竊盜

三十盜牛馬畜產

三十一恐嚇取財

三十二發塚

三十三夜無故入人家



三十四盜賊竊主

人命

三十五殺死奸夫

三十六鬪毆及故殺人

三十七殺子孫及奴婢圖賴人

三十八弓箭傷人

三十九威逼人致死

鬪毆

四十毆制使及本管長官

四十一威力制縛人



四十二毆期親尊長

四十三毆祖父母父母

四十四父祖被毆

四十五誣訟

四十六越訴

四十七教唆詞訟

四十八在官求索借貸人財物

詐偽

受贓

四十九



四十九詐偽制書

五十偽造印信曆日等

五十一詐假官

五十二詐稱內司等官

犯奸

五十三親屬相奸

五十四奴及雇工人奸家長妻

斷獄

五十五故禁故勘平人

五十六凌虐罪囚



五十七元故人事畢不放回



一、

二、

三、

四、

五、

六、

七、

八、

九、

十、



附例大明律抄

應議者之父祖有犯條投充王府及鎮守總兵兩京司內臣  
功臣戚里勢豪之家作爲家人伴僮等項名色事干嚇  
財物撥置打死人命強占田地等項情重者除死罪外其  
餘俱發邊衛充軍

工樂戶及婦人犯罪條各處樂工縱容女子擅入王府及容  
留各府將軍中尉在家行姦并軍民旗校人等擅入府內  
教誘爲非者俱發邊衛充軍

濫設官吏條各處府州縣衛所等衙門至文書皂隸門禁庫  
子等久懸衙門說事過錢把持官府飛詭稅糧起滅詞訟



陷害良民及賣放強盜誣執平民為從事發有顯跡情重者發附近俱充軍若各鄉里書飛詭稅糧有賊在法無二百石以上發邊衛充軍

漏泄軍情大事條在京在外軍民等與朝貢夷人私通往來投托管顧撥置害人因以透漏事情者俱發邊衛充軍

賦役不均條各部派到物料從公勘酌所屬大小豐歉哩派

若豪猾規利之徒買囑吏書妄稟編派下屬承攬害民者

承攬多取中俱發附近衛所充軍各掌印官聽從者依違

有侵漁者書受賂雖不賈亦引此例

逃避差役條沿海地方軍民人等逃避差役逃入土夷



洞寨海島潛

究問情實併發邊遠衛分永定充軍

盜賣田宅條僧道將寺觀各田宅若子孫將共祖墳山地朦  
朧投獻王府及內外官豪勢要之家私捏文契曲賣者投  
獻之人問發邊衛永遠充軍○官豪勢要之家私自開窩  
賣煤鑿山賣石立厰燒灰者發邊衛充軍軍民人等不許  
擅目入山將應禁林木斫伐販賣違者發南方烟瘴衛所  
充軍若前項官貪有犯文官爲民武官差操

典雇妻妾條將妻妾作娣妹

依本律

及將拐帶不明婦女或將

親女并居喪娣妹嫁賣與人作妻妾使女名色騙財之後  
設詞托故空然領去或瞰起程中途聚眾行兇邀搶人財



者除真犯死罪外其餘屬軍衛者發邊衛充軍屬有司者發口外爲民

居喪嫁娶條夫被父殺死女告父

止不應杖

收糧違限條各處勢豪大戶時頑不納本戶秋糧二百石以上發邊衛充軍

虛出通關朱砂條倉庫官之子侄折收財物盜出父印虛出通關依誑騙引詐僞其餘衙門文書例充軍

轉解官物條漕運把總指揮千百戶等官素要運軍需例及指以供辦費爲田料索并扣除行月糧與船料等項直銀三十兩以上者問罪降一級帶捧差操其跟官負筭人等



指稱使用科索軍人財物入已贓至二十兩以上發邊衛  
克軍 漕運官軍如有水次折乾沿道盜賣自度糧米短  
少故將船放失漂流及雖係漂流損失不多乘機侵匿捏  
作全數賄囑有司官吏扶同奏勘者官軍不分贓數多少  
俱發邊衛永遠克軍

鹽法條各邊召商上納糧草若內外勢要官豪家人開立詭  
名占窩轉賣取利者俱發邊衛克軍

匿稅條在京在外權豪無籍之徒結黨把持攔截生事攪擾  
商稅者依勢用強指勒客商挾制官吏或嚇騙客商財物  
者徒罪以上及再犯杖罪以下者發附近克軍其厄攪侵



剋雖無攪擾之情係國課者一百兩以上亦發附近克軍

其不干國課與不及數無攪擾之情者止

計贓杖徒

違禁取利條豪勢舉放私債交通運糧官挾執擅挈官軍鄉

打凌辱強將官糧准還私債者屬軍衛者發邊衛克軍屬

有司者發口外為民欠債軍人依

杖不應

欠債人躲避債主

跳墻跌傷死債主依

杖不應

把持行市條軍民人等代習伊人收賣違禁貨物者發邊衛  
克軍若勢豪之家主使弟男子姪家人頭目人等將弟人  
好馬奇貨包收逼令減價以賤易貴及將粗重貨物並瘦  
損頭畜拘收取覓用錢方許買賣者聽使之人發附近衛



分克軍各處各商輻湊去處若牙行及無籍之徒用強邀截貨者無論有無誑餘貨物仍監追完足發落若監追年久無增賠還累死客商屬軍衛者發邊衛屬有司者發附近俱充軍如有用強攔截民運糧船在家色雇車輛逼勒多出腳錢者問追給主仍發邊衛充軍京城內外等處邀截客商指勒財物者俱等送法司問罪就於害人處發極邊衛分永遠充軍

褻瀆神明條僧道軍民人等各於寺觀神廟刁姦婦女仍而引誘逃走或誑騙財物者俱發邊衛充軍

禁止師巫邪術條煽惑人民爲徒者及稱燒煉丹藥出入內



外官家或擅入皇城寅緣作弊希求進用屬軍衛者發邊  
衛充軍屬有司者發口外爲民

衝突儀仗條衝突儀仗妄行奏訴者追究主使教唆捏寫本  
狀之人俱問罪各杖一百發邊衛充軍

申報軍務條本管將官頭目失於鈐束者五名口以上降級  
調衛十名口以上罷職充軍

私越冒渡關津條關隘引送口外邊衛逃軍過關并守把盤  
詰之人賣放發邊衛充軍

盤詰姦細條但有漢人交通夷人互相買賣借貸誑騙財物  
引惹邊疆及潛住苗寨教誘爲亂貽害地方者除直犯死



罪外俱發邊衛永遠克軍

私出外境及違禁下海條各違將官并官軍頭目私役及軍民人等私出境外鈎釣捕鹿斫木掘鼠等項并把守之人知情故縱該管里老官旗軍吏扶同隱藏者除直犯死罪外其餘俱調發烟瘴地面民人里老爲民軍丁克軍官旗軍吏帶俸食糧差操官員軍民人等私將應禁軍器賣與進貢弟人圖利者比依將軍器出境因而走泄事情者斬秋爲從者發邊衛克軍

遞送公文條各鋪司兵若有無籍之徒不容正身應當用強包攬多取工錢致將公文稽遲沉匿等項旗軍發邊衛民



并軍丁人等發附近俱克軍其提調官該吏鋪長

違制

多乘驛馬條奸徒詐稱勢要衙門乘坐黑樓等船隻懸掛牌面希圖免稅依匿稅誑騙違法依詐稱見任官家人得財徒罪以上俱在發邊衛克軍

強盜條若止傷人而未得財比照搶奪傷人律科斷

劫囚條中途打奪為從者如係親屬並同居家人照常發落若係異姓同惡相濟及槌師打手俱發邊衛克軍

白晝搶奪條搶奪未得財或被事主取回或搶入飲食瓜果

之類并依不應杖其原自還贓於事主者准自首

亦依不應杖

搶奪被事主殺傷除此照格殺勿論

依不應杖

見人分枉法贓



而搶奪

依不

杖

不竊盜入洞事主徒洞中穿逐被洞墻壓死依

竊盜殺人

依不

杖

盜古寺所遺佛像去別寺供奉依

依不

杖

被

盜兩鄰不救護依

依不

杖

強竊盜窩主果不分贓不共謀不

造意不知盜情容其投宿則非窩主止依

依不

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

竊盜條已拘執而殺之在白日依罪人已就拘執而擅殺至

夜死則依夜無故入人家已拘執擅殺竊盜但不棄財逃

走及出門間被事主追而殺之依因逃捕者逐而殺之勿

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

盜牛馬畜產條盜御馬者發邊衛克軍若將自己及將他人

騎操官馬盜賣者三匹以上及再犯不拘匹數屬軍衛者

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

盜牛馬畜產條盜御馬者發邊衛克軍若將自己及將他人

騎操官馬盜賣者三匹以上及再犯不拘匹數屬軍衛者

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

盜牛馬畜產條盜御馬者發邊衛克軍若將自己及將他人

騎操官馬盜賣者三匹以上及再犯不拘匹數屬軍衛者

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

盜牛馬畜產條盜御馬者發邊衛克軍若將自己及將他人

騎操官馬盜賣者三匹以上及再犯不拘匹數屬軍衛者

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

盜牛馬畜產條盜御馬者發邊衛克軍若將自己及將他人

騎操官馬盜賣者三匹以上及再犯不拘匹數屬軍衛者

論

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖

杖



發邊衛屬有司者發邊衛各克軍若看馬入戶盜賣官馬

至三匹以上亦發附近克軍冒領太僕寺官馬至三匹者

不及三匹者依  
常人盜官物

發邊衛克軍

恐嚇取財條將良民誣指為盜及寄買盜贖捉拏拷打嚇詐  
財物或以起贖為田訟房搜檢搶奪財物淫辱婦女陰真  
犯死罪外不分首從俱發邊衛永遠克軍

發塚條卑幼賣墳地必曾將屍燒毀或棄水中方坐斬若止

乎治作地不曾發棄屍賣而未得財止依

不應杖

已得財依

誑誘發掘棄棺或改葬他處而不曾暴露尸依發塚見棺

尊長發卑幼見棺

不應杖

未見棺

不應答

毀搜屍

依九  
人科

殘毀有



罪人屍依不應杖若弟侄為伯叔兄執仇而剄罪人屍仍依

毀律奴雇毀其家長之期親以下屍依總麻以上尊長科

無服依凡人開棺見屍亦同卑幼妻毀夫屍或神主比總

麻以上尊長屍夫毀棄屍比期親卑幼杖七十徒一年半毀其父

祖神主比毀棄屍卑幼毀尊長神主比毆律四等

夜無故入人家條若白日盜財事主拘執殺傷依不拒捕而

殺親屬夜入人家及他人有故而入但不揚聲致被殺傷

者俱依過失此條拒捕依犯夜拒捕准在夜間拘捕方用此律

盜賊竊主條諸色軍民大戶白人來歷不明之人竊藏強盜

二名以上竊盜五名以上坐家分贓者俱發邊遠衛充軍



聖家分贓謂知是盜而竊贓初無造意  
共謀之心但遇盜來即分其贓也云耳各處無籍之徒引  
賊劫掠以後私讎探報消息致盜賊逃竄者比照奸細律  
條處斬梟首示眾知強竊盜贓而接買受寄若馬驟等畜  
至二頭匹以上銀貨坐贓至滿貫者三犯以上不拘贓數  
多寡發邊衛充軍

殺死奸夫條離奸所本夫登時逐至門外殺止依

不應杖

姦夫

已訖相執而毆雖在姦所捉獲非登時而殺並須引夜無  
故入人家已訖拘執而擅殺至死例本夫聞姦次日追而  
殺之依故殺本夫之兄弟及有服親屬或同居人或應捕  
人皆許捉姦婦人之父母伯叔兄弟姊外祖母捕姦殺傷



奸夫者與本夫同但卑幼不得殺尊長依故殺伯叔母姑  
兄弟律科尊長殺卑幼照報輕重科弟見兄妻與人行奸  
趕上殺死姦夫依罪人不拒捕而殺嫂叔通姦本夫得知  
不拒姦所而殺二命依本犯應死而擅殺律

鬪毆及故殺人條除下手致命傷重者依律文處絞外其共  
毆之人審係執持鎗刀等項兇器亦有致命傷重者發邊  
衛充軍

殺子孫及奴婢圖賴人條故殺妾

杖八弟妹

流二子孫姪

杖六姪

孫

杖流二

圖賴人者屬軍衛者發邊衛屬有司者發附近各

充軍

子孫之婦

杖八徒二



弓箭傷人條傷尊長以凡人論犯時不知也以傷殺親屬依過失殺傷科下條亦然荒郊無人處所及非城市有犯依過失

威逼人致死條因事用強毆打威逼人致死果有致命重傷及傷殘廢篤疾者雖有自盡實跡依律追給埋銀發邊衛充軍因事威逼致一家二命及非一家但至三命以上者若一家三命以上發邊衛永遠充軍各追埋銀婦人夫亡願守志別無主婚之人若有用強求娶逼受聘財因以致死者發邊衛充軍追埋銀軍民人等因事威逼本管官致死爲首比依威逼期親尊長致死律絞爲從者發邊衛充



軍若其人不肯致死而用強逼殺之或豪勢欲奪人財產  
妻女勒令自盡者則依故殺民打折人肢體或傷人自盡  
切勿作威力須除此威逼依聞毆傷引例追葬銀同宗及  
外姻尊長於大功小功總麻卑幼因公威逼致死並依不  
應  
杖卑幼承差捕尊長因致自盡或取債逼致欠債人躲  
避跳牆身死俱不可作威逼止依不  
應威逼父祖妻妾威  
逼夫之父祖致死比毆斬決威逼夫致死比毆篤疾絞俱  
奏請

毆制使及本管長官條因事聚眾將本管官及公差勘事催  
收錢糧等項一應監臨官毆打綁縛者不分首從屬軍衛



者發極邊衛分克軍屬有司者發口外爲民若止毆打爲  
首俱照前克軍

威力剝縛人條在京在外無籍之徒投打勢要作爲心腹誘  
引生事綁縛平民在於私家拷打贖鴈財物者發烟瘴地  
面克軍

毆期親尊長條卑幼毆期親尊長執有刀刃趕殺情狀兇惡  
雖未成傷發邊衛克軍兄與伯叔謀奪弟姪財產官職等  
項故行殺害者屬軍衛發邊衛克軍屬有司者發口外爲  
民仍給財產

毆祖父母父母條義子過房在十五歲以下恩養年久或十



六歲以上曾分有財產配有家室若於義父母及義父之  
祖父母父母有犯毆罵侵盜恐嚇詐欺誣告等項卽同子  
孫如律若義父母及義父母之祖父母父母毆殺杖百徒三故  
殺二流者并以毆殺故殺乞養異姓子孫論雖在十五歲以  
下恩養未久或在十六以上不曾分有財產配有室家及  
於義父之期親外并祖父母有犯并以雇工論義子之婦  
亦依此例律若犯義絕及奪其財產并同仇人論

父祖被毆條子孫不曾隨從又不同謀共毆乃是聞知前來  
救護激切還毆故勿論若先同謀相率行毆則依仇人論  
父祖被尊長伯叔兄弟及有服親或毆或殺其子孫弟姪



還殺者依尊卑本殺律見親被毆而還毆者依聞互相毆  
後下手理直律夫之父祖與妻之父祖相毆子婦不得徧  
入犯者依常律子與家長被人殺而其父其奴雇工人及  
一應尊長卑幼爲人所殺而本宗親屬還殺者并依本犯  
應死而擅殺家長被毆而奴雇還毆者依允鬪論父母被  
殺行兇自盡子孫報仇剋其屍者不應杖若弟姪則依殘毀

越訢條擅入午門長安等門內叫訢冤枉若涉虛者仍

杖一百

發口外衛分充軍 假以建言爲由挾制官府及將曖昧  
不明姦贓事情汙人名節報復私讎者文筆職爲民武官  
革職差操旗軍人等發邊衛民發附近俱充軍長安左右



等門等處自刎自縊撒潑喧呼者追究教唆主使之徒  
重門擬 在外刃徒身背黃旗頭插黃旗口稱奏訴直入  
衙門挾制官吏者若係干已事情及有冤枉者照常發落  
不係干已事情別無冤枉并追究主使之入屬軍衛者俱  
發邊衛充軍屬有司者俱發口外為民

誣告條各處刀軍刀民專一挾制官吏陷害良善起滅詞訟  
結黨捏詞纏告把持官府不得行事等項情犯該重民發  
附近軍發邊衛充軍 各處姦徒串結衙門人役假以上  
司訪察為由纂集軍件挾制官府陷害良善或私鴈財物  
或報復私讎名為窩訪者誣徒發邊衛充軍 無籍之棍



徒私自串結將不干已事情捏寫本詞聲言奏告恐嚇得財計贓滿貫者不分首從俱發邊衛充軍若妄指宮禁親藩爲詞誣害平人者不分首從照前發遣

教唆詞訟條代人捏寫本狀教唆或在封疆赴京及赴按察司官處各奏告叛逆等項機密強盜人命重事不實并全誣十人以上者俱發邊衛充軍將本事用財雇寄與人奏訴者并受雇受寄之人屬軍衛者發邊衛充軍有司者發口外爲民官吏受財文職官吏監生知印承差受財枉法至滿貫絞罪者發附近衛所充軍

在官求索借貸人財物條文武官職索取土官民人徭糧物



犯該三年以上者俱發邊衛充軍各處沿邊各該鎮守等  
官但有科斂軍人物財及扣減月糧計入已贓至二百兩  
以上照前調發充軍三百兩以上亦發永遠充軍其沿海  
有犯亦同

詐偽制書條若詐偽憲院布政司府州縣及其餘衙門文書  
誑騙科斂財物者發邊衛充軍詐偽文書若無印信鈐蓋  
止是套畫押字不堅絞徒流罪名就所犯及規避所詐之事  
科斷若同公事明白先印空紙後填文書者不應杖若有誑  
騙財物引例充空紙用印虛捏他人文書買囑鋪兵遞送  
呈害人依匿名



偽造印信曆日等條描模印信行使誑騙財物犯徒罪以上者發邊衛永遠充軍起解軍士捏買偽印批廵者除死罪外解人發附近軍士調邊衛原係邊衛者極邊充軍

詐假官條假官無到任行事之實止依詐冒官員姓名若無

憑劄

亦難  
日斬

出入勢家討空名劄付填作義官教依無官詐

稱有官詐冒皇親族屬姻黨家人在京在外巧立名色挾

騙財物侵占地土并有禁山場欄當船隻指要銀出入大

小衙門囑托公私販賣錢鈔色攬錢糧假稱織造私開牙

行擅搭橋梁侵漁民利者徒罪以上發邊衛充軍假充大

臣及近侍官員家人名目豪橫鄉邨生事害民強占田土



房屋招接流伊姪種者徒罪以上發邊衛充軍

詐稱內使等官條詐冒內官親屬家人等項名色恐嚇官司

誣竊財物者除死罪外發邊衛充軍詐稱錦衣衛旗校假

以差遣體訪事情緝捕盜賊為由占宿公館妄等平人嚇

取財物擾害軍民者死罪外徒罪以上發邊衛充軍

親屬相姦條姦外祖妾妻母姪妻母之姊妹依凡人論調戲弟婦依強

姦未成義子於義父可依雇工人姦家長妻妾減一等親屬犯

姦至死罪者若強姦未成發邊衛充軍

奴及雇工人姦家長妻條律考軍伴弓兵門皂在官役使之

人但有於本官之帷幕或及其親屬若軍人於本管官之



妻女俱可作雇工人依此條伴僮姦舍人妻可作雇工人姦家之期親

故禁故勘平人條若酷刑官員不論情罪輕重若致死至三名以上者文官發供近武官發邊衛各充軍

凌虐罪囚條押解人役若擅加枉錄非法亂打搜檢財物剥脫衣服逼致死傷及受財故縱者除死罪外徒罪以上屬邊衛者發邊衛充軍屬有司者發口外為民

元告人事畢不放回條稽留致死者依不應審有挾私之情

依故禁致死

此律



一奸義女比擬姦妻前夫之女律杖一百徒三年

一男女定婚未曾迎門私下通奸比子孫違犯教令律杖一百

一奸乞養男婦比擬姦妻前夫之女律杖一百徒三年

一兄調戲弟婦比依強姦未成律

一奸義妹比依奸同母異父姊妹律杖一百徒三年

一奴婢誹謗家長比依子孫罵祖父母父母律

一殺義子比依殺兄弟之子律杖一百徒三年故殺者杖一百流三千里

一妻之子打庶母傷者比依弟妹毆兄姊律杖九十徒二年



半

一乞養異姓子毆養父母比依僧道毆受業師與毆伯叔父母同

一過午門不下馬者依制違

一夫棄妻之屍比依尊長棄毀總麻以下卑幼律

一妻令夫後園採菜被牆壓死妻驚死毋家比依聞父喪匿

不舉哀律

一見城門未下鎖盜開而出者比依越城律

一稍水止暈風浪未曾勒錢因以沉溺殺傷人比依過失殺

傷人律



一被盜兩鄰人不救護者依不應杖

一卑幼毀尊長神主比依毆律

一子恨繼母殺父而還殺之依擅殺行兇人律若親生則奏請

一姦夫離奸所本夫逐至門外殺之依不應杖非登時依不拒捕而殺律

一弟見兄妻與人行奸趕上殺死奸夫依罪人不拒捕而殺律

一先奸後娶依不應杖

一妻罵夫依不應杖



一墮婦胎依折傷瀉流

一弟罵嫂依不應杖

一妻毆妻之父母依毆夫總麻尊長與夫毆妻父母同

一抑勒妻妾及女與人通奸未成問不應

一同伴囚人奸曰婦依凡奸

一調戲人妻問不應杖

一夫出外妻在家與人通奸生有子女夫歸不究仍養其子

依應離而不離或從容

一抑勒妻妾與人通奸或因貪令妻妾賣奸度日是夫自絕

義若奸夫奸婦有謀毆殺傷並從凡論



一婦本無罪被人發告在官承行誣瞞稟放共婦之公解行  
奸依刁姦



一 宜 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教

一 婦 人 不 應 教







